

51197/A

W. J. Taylor

THOMSON, A
c



Joseph Taylor M.D. Cantab.

K6 defective


K7-8 (blank) wanted

7A

31156

8/ 10/6

afg 1912



ALEXANDRI THOMSON M.D.

DISSERTATIONES M E D I C Æ

I. De Motu, quo renituntur Canales,
in fluida corporis Animalis.

II. De Aquarum mineralium examine,
& origine.

De { III. Martis, & aquarum }
 { Mineralium. }
Medi- { IV. Mercurii. }
caminum { V. Opii. }

Operatio-
nibus Me-
dicinali-
bus.

VI. De Morbis Animi.

Introductio exhibet ideam progressus Medici-
næ, hodiernum ejus statum, & quamo-
brem, à detecto sanguinis circuitu,
Ars hæctenus fere inexculta
subsistat.



LUGDUNI BATAVORUM,
Apud FREDERICUM HARING. 1709.

31156



Præclaro, ac Perantiquo Stemmata Oriundo,

G U L I E L M O

Nobilissimo Comiti,

SCOTIÆ MARISCALLO,

Merniæque Comitatus Senescallo

H E R E D I T A R I O

Domino KEITH &c.

Perillustris Kethorum Gentis Principi: Patriæ
Patrono: Heroi Invicto.

EN Tibi, Illustrissime Heros, Proprii
Debitum fundi: Id mihi honori,
pariter & emolumento cessit, quod
sub NOMINIS MARISCALLI Clientela,
Progeniei Paternæ Res orta est, stetit, &
crevit: sub Ejusdem Præsidio, atque in Athe-
næo vestro Celeberrimo, prima posuit Lite-
rarum & artium fundamina.

Quod si in MARISCALLI Natales pa-
negyricè orare suppeterent vires, & occasio,
minimè defuerit Animus Beneficii memor;
Neque ullo notarer Assentationis stigmate:
Enimvero neque ulla, quæ ubivis Gentium est,
extat aut extitit Hominum Progenies, quæ
Veteri

DEDICATIO

Veteri Profapiâ , Fortitudine , Rebus præclarrè gestis , Eximiâ pariter , ac intemeratâ in Patriam , Regem , & Legem , fide , SCOTIÆ præcelluit MARISCALLOS.

Eia ! Nobilissime Comes , Heroicæ stirpis verissima Proles , Patriæ Libertatis Decus & Præsidium ; Cujus in Rebus afflictis , & penè labantibus sepositis unâ speque Metuque , invictus consistis , & Intrepidus Vindex..

Vivas & vigeas , in Patriæ Præsidium , & Artium Tutamen ; Ut , qui Jura Patriæ contra Fastum Dominatus Extranei strenuissimè vindicas , & Patriis Disciplinis , quæ extraneis minimè cedunt , nisi quod minus foveantur , Idem fias Patronus . Cæterum hocce , ut exiguum est , Obsequii Pignus pro Ingenuitâ , quâ polles in demerendis Mortalibus humanitate , Benevolus accipe . Fausta que Omnia MARISCALLI Amplissimæ Genti , pro merito vovebit.

NOMINIS VESTR

Deditissimus & Devinctissimus Client

ALEXANDER THOMSON

Dabam Montis Rosæ
Die quinto Ante Calendas
Januarias MDCCIV.

Primordia Medicinæ fortuita, casu, non arte, detecta, (a) Babylonii, Antiquissimus Assyriorum Populus, multiplici experientia, stabiliendam & augendam curabant: Ægros enim in foro publico expositos, transeuntes Legibus devincti, de morbis rogabant; & si qui vel morbo simili, ipsi laborarunt, vel alios laborantes viderant, ægris indicabant, quâ methodo, quibusve Medicaminibus, curati sunt. (b) Ast Ægyptii, perhibente *Diodoro*, historiæ priscæ scientissimo, Assyriis in disciplinis excolendis haud parum Antiquiores, omnium primi Canones, seu Aphorismos Medicos, ordine disposuere. Digesta hæc Libro sacro comprehensa (cujus Auctor perhibetur *Hermes Trismegistus*,) prorsum sacra extitere, ad quæ nempe praxi tenebantur exercere Medici, ni sinistro successu, homicidii convicti, capitis pœnas luerent; quippe medendi rationem, longi temporis usu observatam, paucos ingenio superaturos censebant. Jejuniis, vomitu, clysteribus, & corpore purgato, morbos & antevertabant & curabant, haud perperam rati, in omnis nutrimenti digestionem majorem partem esse superfluum, & inde morbos creari. Medicinam igitur inter Assyrios a quopiam fortuito exercitam, Artem profitebantur Ægyptii: Medici etiam ex publico annonam accipiebant, unde cura ægris domi saltem, gratuita cedebat. Post *Hermetem* *Æsculapius*, si modo vera sunt, quæ de ipso perhibentur, Ægyptiorum Medicinam magnopere excoluit; fabulæ enim sunt, quas de suo *Æsculapio* tradidit Græcia, semper mendax, dum aliigenorum Heroum egregia facta Imposturis suis tribuit. Neque dubium, quin scientiam Medicam ab Ægyptiis mutuatam, in patriam suam cum reliquis

disci-

A 3

(a) Herodot.

(b) Diodor. Sicul. Lib. 1.

disciplinis Græci transtulere. Horum Medicina ab initio prorsus extitit mythologica, saltem ita fabulis referta, ut vix quidpiam certi inde elicere detur. Dum enim Heroas, (quos Deos minorum Gentium nuncupabant Romani,) seu proprios, seu ab Exteris mutuatis, Medicinam sive invenisse, sive excoluisse, infinitâ fabulandi luxuriâ narrarunt, in dubio relinquunt, an narrationes historicas, an sub figmentis, ut fit, philosophiam poëticam, Hominibus obtrudant. Illud saltem constat, ante Bellum Trojanum Chirurgiam duntaxat Græcis innotuisse; neque Homerus, qui vilissimam quamlibet encheiresin chirurgicam, possi heroicâ haud censuit indignam, ullius meminit Medicinæ, quantumlibet in pestis historia tradenda suppeteret occasio: neque quidpiam à Diodoro, de Podalyrrio & Machaone, Æsculapii filiis ad militiam Trojanam cum Agamemnone profectis, (c) de quibus consultò orationem habet, præter vulnerum curam memoratum. Ast brevi post funera Troiæ, Asclepiades, sive ab Æsculapio oriunda progenies, scholæ medicas in celebrioribus Ægei & Cyprii maris Insulis instituere incipiebant, (d) Rhodiam primo; qua labante, imprimis claruere Coa & Cnidia, quarum institutio non mera empeiria comprehenso adstipulatur (e) Hippocrates, & Prænotiones, quas scholæ Coæ fuisse Titulus indicat, illud imprimis perhibent. Quin harum, tam vetus ante Hippocratem extitit memoria, ut ipse met se scholæ Coæ alumnum ab Æsculapio decimum septimum gloriatur; verum hæcenus inter signa medica & remedia empeiriâ detecta subsistebat Medicina. Deinceps medendi scientia, sapientiæ pars haberi cæpit, & Philosophi ab Ægyptiis edocti morborum cognitionem & curam, non secus ac naturæ Rerum contem-

platio-

(c) Lib. 4. (d) *De Ratione victus in Acutis.*

(e) Galen. *Method. Medend. lib. 1.*

plationem, spartam sibi creditam existimabant. Haud male (f) Celsus; nempe his aptissimam, inquiebat, medicinam, quorum corpora inquieta cogitatio, nocturnaque minuerant vigilia. Hinc eosdem antiquæ philosophiæ & medicinæ auctores accepimus: Inter quos clarissimi extitere Pythagoras, Empedocles, Democritus. Hujus discipulus habetur Hippocrates, qui primus omnium disciplinam medicam ab studio philosophiæ separavit. Vir quidem arte & facundia Insignis, Parens tamen Medicinæ improprie dici meruit. Constat enim, Ægyptiis innotuisse multam Medicinæ partem; Græciæ quidem videtur sanguinis missio dberi, quam tamen, usû communi, ævo suo tritam, sæpius meminit Hippocrates; Nempe & inventionem in Podalyrium Æsculapii filium, vera an fabulosa narratione, communis Antiquitatis reponebat Autoritas. Revera Hippocrates ex Asclepiadum familia oriundus, sacris Medicis ab incunabulis initiatus, primus extitit Medicus, qui philosophiam corporis humani, ab Philosophis vindicabit, eandem pro genio sui temporis subtiliter fatis excoluit, & rei Medicæ applicuit: Unde quidem rationalis Medicinæ Parens indubie habitus est. Id vero minimum est, quod Hippocrati debet Medicina; parvi enim refert, quod ab hujusmodi Medicina mutatur Ars medica: ast miram Hominis sagacitatem, & operam indefessam in signis Medicis excolendis, justa suscipimus ratione; Neque minus dolendum, Hippocratis filios, ad Principis sui Institutum minus attentos, utilissimam Artis partem, parum nimis excoluisse. Enimvero in causas, easque plurimum remotas, philosophice intenti, signa tædii & servitutis opus, nimium onus abigebant. Ex hac philosophandi Luxuria, occasionem arripiens (g) Scrapion, sectam Empiricorum instituit, nihil hanc

A 2

ratio-

(f) *Præfatione.*(g) *Galen. method. Medend. Lib. 1. & Celsus præf.*

rationalem disciplinam ad Medicinam pertinere professus, in usu & experientia ponendam, quem sequuti sunt plures, in veteri Medicina haud mediocris nominis. Atque hic extitit per plura sæcula Medicinæ status, aliis rationalem Artem; aliis usum & experientiam sibi vindicantibus, neque quidpiam inter Medicos deinceps agitatum, nisi quæ acceperant; donec Asclepiades & Themison, Medici post Hippocratem primarii, medendi rationem magna ex parte mutarunt. Asclepiades. Cn: Pompeii temporibus, eidemque familiaris, primus Græcorum Medicinam rationalem Romam devexit, ibidem sectam condidit novam, hominumque animos Artificio mirabili alliciebat, & opinione agebat sui. Hujus placita ad sensus sui rationem ulterius prosequutus Themison, Asclepiadi Magistro ingenio minime cedens, methodicæ sectæ Primarius extitit Auctor: verum horum Institutum, brevi pessum dedit Antonius Musa, Empiricæ Medicinæ Discipulus, qui faustum nactus in Cæsare Augusto tentaminis successum, Cæsaris auctoritate, instituti sui rationem stabilitam obtinuit. Hunc excepit Celsus senatorii ordinis Romanus, qui rebus quidem novis minus studuit; Rei medicæ tamen Auctor extitit gravissimus, quam pari excoluit ingenio atque facundia, neque

(b) *Ridiculum est, quod quidam ex Plinio autumant, Medicos sexcentis annis Romam exulasse: Plinius enim simpliciter narrat, P. R. ultra Sexcentissimum annum, quemadmodum & alia gentes, sine Medicis degisse, quod longe aliud est; neque est hoc verum. Medicorum enim Roma meminit. (i) Dionysius Halicarnass. rei Romana Historiographus gravis pariter & facundus CCCImo. ab V.*

(b.) Plinius nat. hist. c. 29.

(i.) Lib. 10.

C. anno Exacto, inquit, anno ab V. C. CCCmo. P. Horatio, Sext. Quintilio Coss. Pestilentia Romam invasit, qualis nunquam antea, quâ servitia sunt absumta pene omnia, civium circiter dimidiam; nec Medicis sufficientibus, ἐδὲ λάργῳ ἀγούτων τοῖς παύροις. Quin & ipse sui oblitus sibi adversatur Plinius, idque verbis jam memorata proxime insequutis; quibus ex Cassio Hemina refert, Archagathum, vulnerarium, ex Peloponeso Romam venisse, Anno urbis DXXXV, Eique jus Quiritium datum, & Tabernam in Compito Acilio emptam. Catonis innititur sententiæ Græcis infensissimi; quem refert, filio mandasse, ut à Medicis caveret, jurarent, inquit, barbaros necare omnes Medicina, stultum omnino sapientis Effatum! Revera culpâ hætenus caruisset Medicina, ni aliunde peccassent Medici. Senatum seu S. C. in partes trahit Plinius, ast quodnam amabo! ant quibus notatum fastis? hujus consulti non meminit, quia non noverat. Verum hujusmodi non ex delectu, sed incautius pro more suo protulit Plinius, & opprobrium in Medicos à S. P. Q. R. illatum, mendax prorsus est commentum, quippe, & quod Artem tædio Rno. Populo fuisse dixerit, non de Medendi arte, sed de Archagatho & Cooperariis suis, Lanienam exercentibus Chirurgicam, disertis habet verbis, neque Plinius artem, sed pravam infectatur artis institutum.

alius quispiam veteris Medicinæ summam, stylo composuit usque adeo concinno, pariter & eleganti. Celsum haud longo interposito intervallo excepit alter Medicinæ Parens Galenus, Auctor supra omnem sensum Rationalis, & vel inter nugas accuratus. Vir æquidem Ingenii fuit summi, & in Medicina excolenda indefatigabilis: verum cum contemplatione potius, quam curandi methodo, (quod habet Alumnus suus (k) Fernelius), vitam transegerit, præterea

A 5

terca

terea & mechanismi Corporis animalis nescius esset, immensa philosophandi Licentia, theoriam Medicinæ, prorsus ridiculam & insensatam speciosa proposuit oratione. Humororum tamen quaternio Galenica temporis genio magnopere arridebat; atque jam ad fastigium videbatur perducta Medicina: quippe ante sæculum unum aut alterum, Materiam Medicam luculentissima descriptione, post Theophrastum elucidaverat Dioscorides; ut instrumentis jam copiosissime arti suppetentibus, plus ultra, quod in Medicina desideraretur, vix occurreret; & Medici Hippocratem & Galenum haud secus, ac Jurisperiti suos Codices appellantes, auctoritate rem agebant, neutiquam de Ratione solliciti, modò Magistrorum calluerunt rationes; neque pensi habentes, fundamenta artis, prorsum diversa, à Coryphæis suis posita, dum plus quam millena Hominem constituere posuerit (l). Primus alter quaternionis suæ tenax, in eandem Corporis animalis phænomena universa in solidum reponit. Hic Medicinæ perstitit status, quoad Gentes Barbaræ, ex Septentrione, in imperium Romanum irrumpentes, Medicinam cum reliqua Artium Liberalium caterva, ex Europa in Arabiam profligarunt. Arabes, Genus Hominum, quæstiunculis & altercationibus deditum, (m) mirum quot nugis & subtilitatibus captum superantibus, substantiam Medicam in vaporem æthere subtiliorem, evaporarunt. Neque prorsus tamen de Medicina male meruit Gens Arabica; Pharmaceuticæ imprimis improprie Galenicæ dictæ, Mesuie Arabi præ reliquis debemus, quam utique ratione excoluit nitida, neque antea nota, utque hætenus farrago, Artis rudis impolita extiterat, Mesues in Artis fastigium perduxit.

(l) *De veteri Medicina.*

(m) Vide sis specimen in Avicen: *Canon med. lib. 1.*

duxerit, unde Septalius Mediolensis, Medicus sui temporis summus, in Animadversionibus pharmaceuticis Mesuen pro modulo proponit.

Revirescentibus tandem apud Europæos Literis, & Medicina ex Arabia in Europam redux efflorescere incipiebat, neque ulterius Hippocratem & Galenum duntaxat, quin Patres ex Arabia conscriptos, Averroëem, Avicennam, Abenbitarem, & id genus alia Nomina barbara, Medicus quisque in sui tutelam & patrocinium, sanctâ sibi proponebat ratione. Unde infiniti ex omnigena auctoritate Canones Medici, neque pensî habitum, quid conveniat, quid non, modo cum Patroni sensu conveniat, & artis quam vitæ potior habita est ratio, unde Italicum illud.

E Morto Catolicamente, & Con tutti gli regli.

Attamen inter varios hos Medicinæ casus, varia discrimina, integra hæcenus persistere Medica signa, ab Hippocrate tradita, & Medicis priscis. Id sane f'culi superiorem Antecedentis honori detur, prognosin & diagnosin medicam, à Medicis suis accuratissime traditas. Inter quos excelluere & superioris sæculi Sener-tus, Fernelius, Platerus, Forestus, quorum licet ratiocinia mera sint nugarum farrago; attamen signis tenacissime dediti, ex falsis verum sæpissime magno cum successu assequuti sunt.

Verum enim vero, inter prima restauratæ Medicinæ initia, apparuere Chymici, qui spagyricæ suæ artis antiquitatem, ex innumeris fabulosæ traditionis metaphoris, stabilire conati sunt; verum quidem metallurgiam inter primas, à Mortalibus artes excultam, Chymiatria vero, recens ab aliquot sæculis, Hominum inventum, duntaxat apparet. Neque sane Medicinæ aut Generis humani inventipænitet: Che-
mia

miâ enim mediante, materiam medicam, antiquam infinitis modis superantem, procul omni dubio obtineamus. Artem cœlitus oriundam, an vere, an secus, non disputo. Id solum constat, primores Chymicos, numinis afflatum præ se ferentes, nobilissimos exhibuisse artis apparatus; neque hæcenus ultra Basilii Valentini Monachi Germani, encheireses de Antimonio (cujus usus Medicos primus Mortalibus detexit, & vindicavit) quidpiam fere amplius repertum. Sed materiæ medicæ limites nimium restrictos, quin & opus artis dignitati vix satis respondens, arbitrati Chymiatři, universam Oeconomiam Animalem, spagyricæ suæ subicere satagunt, & ex Miscelis suis, quidquid in corpore animali contingit, elucidare conati sunt. Verum latet in generalibus hisce dolus, ex quibus ne quidpiam definitum, vel ad sanitatem tuendam, vel morbos averruncandos, hæcenus extruere datum. Enimvero cum miscelæ Chymicæ modus, neque legibus mechanicis hæcenus notis accomodus sit, licet effectus sit sensui obvius; tamen causa, ex quâ duntaxat ratiocinari convenit, in occulto existens, non scientiæ, sed conjecturis, nos relinquit. Helmontius quidem Humoristarum dogmata acute satis redarguit; dum vero Archeum, Gas & Blas, verba phanatico-barbara, humorum vice reponit quidquid inde adipiscantur Adepti, medicinam sensatam temper, IN STATU QUO, relinquit. Ast minime inficior, universam Rerum naturam perpetuam esse chymiam, ab Immenso Rerum opifice, indefinenter exercitam, quare & id agnosco, Medicum in rebus chymicis versatum aptissimum existere, qui de motibus fluidorum intestinis, rite Indicium ferat; modo saltem cogitata sua legibus naturæ mechanicis accommodet, neque rem desperandam censerem, modo in id sedulo incumbere Artificii Filii. Inter has plusquam civiles Medicorum

rum discordias affulsit tandem lux medicinæ fulgentissima. Stupendi ingenii Harvæus, cui plura forte debet Medicina, quam ter mille annorum curriculis, ante ævum suum elapsis. Is detecto sanguinis circuitu, eodem ictu, universam profligavit veteris medicinæ theoriam; simpliciorē etiam disciplinæ medicæ addiscendæ methodum, non ex hypothēsi, sed ob oculos posuit. Obstupuit ad inventum universa Medicorum chorus: dum uni, quorum scientia, gloria, fama, totum denique, in infinita antiquorum lectione sita erat, id unum e rebus suis esse videbant, ne gressum à sacrosancta antiquitatis auctoritate recederent. Alii abbreviatam scientiam gratulabundi, omnia deinceps fausta sibi spondebant. Tandem superato præjudicio, dogma novum unanimi assensu ad unum amplexi sunt omnes: neque ulterius dubium novâ jam luce coruscantem Medicinam, non amplius conjectaneam, sed certam malorum fore medelam. Verum eheu! tanta spe hætenus excidit genus humanum. Neque minus fere precaria hucusque extitit praxis medica, vulgo instituta, quam dum Galeni & Arabum nugis nugacissimis innixa stitit. Emolumenti igitur ne quidpiam, quin gravius Medicinæ scandalum, à detecto sanguinis circuitu nancissimur, dum ne hilum ad morborum curationem sapientiores facti auctam scientiam incassum gloriamur. Miror sane, Medicos rei conscios, de ratione ita parum sollicitos versari, cum id imprimis rei Medicæ intersit, an detecta sanguinis circulatio tanti sit, quanti sibi imaginatus est Harvæus, neque disconveniunt Medici, interim nihil inde assequuntur commodi, Rei rationem expendere proximum est.

Vix Mundo innotuerat doctrina Harvæana, cum Renatus des Cartes philosophiam commentus est novam. Sublimis hic quidem, supra vulgi Hominum sortem,

sortem, extitit Ingenii, & qui nobili ausu philosophandi libertatem, primus fere mortalium, Homi-
nibus asseruit. Ingens tamen atque nimium ausus,
Rerum naturam, Hominem etiam Mechanice pro-
duxit. Qua Principis sui licentia immensum abusi
sequaces, naturam, Artemque Medicam hypothesein
confecere; Universam functionem Animalem, in
glandula pineali, æthere amico & peregrino, poris
diverso modo figuratis, fermentis, valvulis Anta-
gonistis, & id genus aliis innumeris, ex mera hypo-
thesi, prorsus neglecta Rerum natura, ingenti moli-
mine, speciose quidem, neque minus ridicule po-
suere. Circuitum sanguinis tamen agnovit Cartesius,
soli Harvæo præ cæteris mortalibus se devinctum fa-
ssus est; quin & hujus doctrinam philosophiæ suæ
Animalis basin posuisse præ se ferebat: Unde natu-
ra humana novitatis cujuscumque indiscriminatim avi-
da, eodem halitu, hypotheseos philosophicæ com-
menta, & Indicium naturæ amplexa est; neque
amplius quid sensui patebat, verum, quid distincta
à sensibus perceptio indicaret, quæsitum. En denuo
Medicinæ phasin mere rationalem: Neglecta jam
existit prisca Medicina; Hippocrates cum signis suis
nauci habitus; naturæ observatio nimis impedita, &
inter limites restricta, haud satis scientifica visa est:
omnia suppeditat omnipotens hypothesis. Verbo
uno, sensus & ratio rejecta, eorum vice, fumum &
fucum, ipsissimam denique rationalitatem, amplexi
sunt, quotquot extitere superioris sæculi Medici
Philosophi. Verum & de his deinceps. Impræsens,
dentur, si lubet, quæcunque à Cartesio sequacibusque
gratis petuntur. Cui bono inserviunt? Neque enim
ad rem Medicam magis faciunt; quam humorum
quaternio galenica, facultates, destillationes, & id
genus alia veteris Medicinæ commenta: Hujusmo-
di

di sane elementis & vorticibus, potius quam sanguinis innituntur circuitui, quem vix quidem inter innumeras supponunt suppositiones.

Willisius Medicinæ deliciæ, dictione plane Musicâ profluens, Imaginationem, nolit velit indicium, semper in assensum trahit, neque potis est quispiam incautus, pro sensatæ rationis partibus, contra fascinium blandum consistere. Felicissimus sane naturæ fictitiæ depictor, id saltem lenocinâ oratione assequutus est, ut qui naturam & Indicium in Willisio desiderat, ægre tamen ferat, se hallucinii conscium, blandissimo privari phantasmate. Accensio sanguinis, excubiæ spirituum, cursus & recursus per corpora striata, primo intuitu quidem, assensum captant: Verum dum hæc innituntur Tormentis bellicis, pulveri pyrio, explosionibus, aquis stygiis, vitriolicis, & cæteris hujusmodi; de Medicina meram componit fabulam metaphoricam. Unde à Willisio imprimis, ad hunc usque diem, Medicina metaphoris infinite luxuriat, & optimus à communi habetur Medicus, qui optime in Metaphoris ludit, & cujus phantasia imaginum ferax, quidpiam functioni animali analogum, in Medicina agenda reperire habilis est. Phantasiâ quippe universi capiuntur.

Naturæ Indicium pauci capiunt. Hinc tota fere medicina hodierna post Willisii *De Febr.* commentum, fermentatio facta est. Quippe dum vident Medici, hoc motus intestini genere, liquores vegetabilium à natura perfici, vocabulum inter Mulierculas usu jam tritum, nunquam non in scenam producunt medicam, & quidquid intelligunt, aut non intelligunt, in fermentationem & fermenta reponunt. Placet & capit dictio æquivoca, neque pensi habet Medicus, si intelligat nec ne, modo plebeculæ placeat, & intelligere videatur.

Abu-

Abusum hunc dudum solida ratione rejecere, medicina tam spagyricæ, quam mechanicæ, (n) Patroni, neque rationi, neque sensui congruum animalium motum intestinum, quidpiam cum fermentatione commune habere. Verum enimvero haud parvi momenti est, quod Willisio debet Medicina; quippe & anatomiam ingeniose excoluit, nervorum systema accurata indagine persequutus est, eorum pathologiam metaphysice quidem nimis pro suo more descripsit; primus tamen omnium lucem qualemcunque rei prætulit obscuræ, & fundamenta posuit, ex quibus accuratius ratio ocinium, rem ipsam tandem attingere possit. Sensum etiam animale, seu animam Brutorum, medicina operam utilem pariter & jucundam, ingeniosa explicavit ratione. Demum ingenio & facundia nullus Willisium superavit. Apposite tamen Celsus: Ingenium quidem & facundiam vincere; morbum vero, non eloquentia, sed remediis curari.

Sylvus de le Boë, nescio, quo genio motus, universum hominem constituit TRIUMVIRATUM sui bellum civile. Ampla & augusta verba sane, tamquam si partiri debeat corpus animale, in luctum imaginarium, trium liquorum, quemadmodum imperium Romanum inter se partiti sunt Crassus, Pompejus, & Julius, aut Augustus, Antonius, & Lepidus. Mirum sane, virum Medicum, opinionis suæ tenacissimum, ut vix se temperet, quin sacrilegii reos Adversarios redarguat, tamen Argumento dumtaxat nomina politica adducere; neque enim quodpiam extat experimentum certum luctus jam dicti, quo tamen universam suam medicinam reponit Sylvius. Triumviratum totus spirat, donum cælitus concessum

N. Vide Pitcarnium, de circular. per vasa minima, & Mort, de usu et nobilitate Chymia.

cessum in imis fixit præcordii , nihil tam arduum atque difficile, quod hujus ope primo intuitu , mire ingenii ludibrio evolvendum non suscepit. Interim neglecta prorsus signa Medica, & cum multa pars Medicinæ sit Morbos dignoscere, nullius morbi criterium posuit Sylvius, omnia supposuit: Tanquam si quis noctu per devia erranti responderet; si septentrionem velis, accedas ad Polum borealem, si austrum, ab eodem recedas. Interim ignorat Misellus, quæ sit stella polaris, & ubi consistat Sylvius, tamen magni nominis existit, neque honestum fuerit eximii viri famam impetere: Quin potius ratus sum, cogitata ex primo affectu, raptim scripta, tandem maturiore subveniente Judicio, à viro ingenuo accuratiore indagine, si aliquamdiu in vivis perstitisset, castiganda. Plura sane, quorum Medicinæ interest, ex dissectione anatomica observavit: Chymix peritiam haud vulgarem in Medicamentis detexit: quædam tamen nimia peritia incogitanter protulit, quæ simplicior observatio chymix rudis faciliore opera detexisset.

Etmullerus, sepositis magna parte, Willisii Metaphoris & Triumviratu Sylvii, amplexus tamen, quæ magis rationi consona ex utrisque visa sunt, Medicinam quidem instituit simpliciolem & magis congruam, totam tamen in Acido & Alkali, hodiernæ Medicinæ Divis Tutelaribus repositam. Enimvero tantum jam invaluit de vocibus his sonus & jurgium, ut, dum universi in alterutro morbum omnem reponunt, singuli unum ex contrariis sibi eligentes, in altero cujuslibet morbi curam sibi promittant. Siccine ridicula existit, & persistit natura humana! ut cum quidpiam seu verum, sive falsum sibi imaginata est, universi naturam figmento suo subicere satagat. Nihil hætenus exhibuit Natura experimentis factis vel

Acidum vel Alkali, qualia nobis exhibent Chymicorum furni: Mirum igitur & stupendum quidpiam his Analogum, fundamenta haberi rei facerrimæ. Ampla sane inductione nitide probavit (o) Tourne, fortius alia quælibet naturalia nota, neque Acida neque Alkalia pura existere; imo & Salia acidissima habita, manifesta Alkali præbere indicia. Id tamen Etmullero honoris detur, non alium extitisse Medicum magis industrium & ingeniosum, in signis Medicis prosequendis, quæ utique methodo distinctæ & praxi accomodæ, præ reliqua universa systematicorum grege tradidit.

Hi sunt celebriores, qui hypotheses in Medicina fabricarunt; (de minorum gentium hominibus haud dicere vacat) & quid quæso, vel seorsim vel simul sumptæ, cum sanguinis circuitu communem habent? Tantundem nempe, quantum cum formis substantialibus, aut id genus aliis Philosophiæ fragmentis. Quippe siue motum suum circuitu instituto peragat, siue motu progressivo sine circuitu gaudeat, siue demum, Lacus modo stagnet, perinde fere refert systemati cuiquam memorato. Interim exclamant Adstantes, quid prodest Medicis detectæ sanguinis circulatio? Respondeo: Idem, quod prodest Hominibus Ratio & Religio. Euangelium agnoscunt Homines, legunt & audiunt, prædicationi interdies interfunt; Interim Ethnice vivit maxima pars Hominum; vere Christianus rara avis est, & miraculo similis: Ergo quid prodest hominibus Euangelium? Agnoscunt quidem ad unum omnes Medici sanguinis circuitum; verum qui huic basi medicinam suam superstruit, vix unus est, aut alter aut tertius; Pauci sane multorum respectu, &

— — — *Vix totidem, quot*
Thebarum portæ — — —

Ver

(o) *Preface à l'Histoire des Plantes.*

Veritas omnifariam una est & individua, Error multifarius & infinitus. Quidquid volumus imaginamur; ex imaginatione repetita trahitur in partes Judicium: Hinc universa hypothesium congeries. At natura Rerum una existens, phantasiæ hominum, objecta sua infinitè multiplicanti subjici renuit. Quare veritatem indagare phantasiæ res non est; quin animo intento, cogitatione fixâ, nitidâ perspicuâ, opus est. Ex vero quod intercedit discrimen: Citato quidem cursu labili tamen vadit Hypothesium venator, qui naturam prosequitur, tardo sed stabili incedit gressu. Vix quidpiam in Medicina hætenus existit perfectum; neque enim res ipsas quærunt Medici; quin uni ex aliis, universi fere ex hypothesi medicinam quærentes, sæpius hallucinantur, & si quando scopum attingunt, casui fortunam debent. Interim neglectis causis rerum proximis, primas & primo primas, si cœlis placeat, philosophice quærunt Pars sane haud exigua hodiernæ Medicinæ, quasi vero pluris esset Medico metaphysica, quàm morborum curatio. Universos Medicos Philosophos appello, quod genus morbi hætenus vel dignovit, vel curavit, *alta & abstracta a sensibus speculatio*? Quisquis es, qui indicabis, eris mihi magnus Apollo. Ego aliâ prorsus methodo rem capio. Naturam Rerum scire satagunt Homines. Id autem noluit Deus & Natura. Philosophiam corpuscularem ad amussim calleant, Materias Primi, Secundi, & Tertii elementi, Acidum & Alkali, acutissima dignoscant mentis acie: Bellum sane Ingenii Lusum! Dentur tamen. At quid sit Natura, quid Vita, quid utriuslibet proprietates, tantundem norunt, quantum illi, quibus bellæ hæ speculationes ex longinquo petitæ prorsus ignotæ sunt. Immensus Rerum Conditor omnipotenti suo FIAT, naturam Rerum voluit & fecit: Hoc norunt Idio-

tæ, neque amplius novit Philosophorum Coryphæus. Nihil igitur e longinquo petendum ratus sum. Sensus & observatio indubia omnium ponantur fundamenta; ex quibus ratione obvia prima eruenda sunt, secunda eadem methodo ex his concessis, & sic deinceps. Hanc methodum jam olim amplexi Mathematici, disciplinas tuas ab exiguis initiis adduxerunt fere perduxere; dum reliquæ disciplinæ, præmaturâ festinatione vix prorsim natæ confessim fere pereant

Dissertationes de Medicamentorum operationibus, ob interruptam sæpius subjecti seriem, propositionibus traduntur : Reliquæ connexa dictionis serie.

ALEXANDRI THOMSON M D.

TENTAMINA

M E D I C A

In VI. Dissertationibus.

DISSERTATIO PRIMA.

De Motu, quo renituntur Canales, in Fluida corporis Animalis.

DE devio, a natura nempe sanguinis circuitu, Medicinæ tramite, in Introductione dictum. Deinceps demonstrare conabor, rem Harvæo & Lowero haud penitus notam, & quod aliâ opus fuit machinâ, præter cordis muscolum, ad sanguinem per vasa minima in circuitum premendum: Quanti autem Idoneus rei conceptus medendi Arti conducatur, hoc imprimis discursu ex sequentium etiam patebit serie.

De renixu Canaliû in fluida Animalia, quædam in transitu innuebat Borellus; Bel-

linius ex proposito scripsit *Libro de villo contra-*
dili, Medicis Transalpinis hætenus, quoddam
 sciam, incognito. Specimen tantum Pitcar-
 nio misit nostrati, rei quædam exhibens prin-
 cipia abstracta, cum demonstrationum elen-
 cho. Ex quibus omnibus quidem auctum
 rei desiderium, paucissimis res ipsa magis
 perspecta.

Post hunc, idque nuperrime, postquam
 de his cogitasset, *de Fibra motrice* scripsit Ba-
 glivius, haud parvi nominis & famæ, neque
 immerito: verum cum haud sibi undique
 respondeat sententia nostra, libeat paucis in-
 genuâ philosophandi libertate, de clariss. au-
 ctoris Instituto disserere,

Quam veniam petimus, damusque vicissim

Primo ut probet Baglivius, vires solidorum
 (sic ipsi loqui libuit) longe præcellere fluidor-
 um viribus, atque inde pateat, morbos ple-
 rosque, in vitiatis solidis innocuo fluido quo-
 cunque; Rem proposuit novam, & in Medi-
 cina inauditam, motum nempe systalticum ser-
 pulsum duræ matris, ad Instar Cordis, quod
 propelli arbitratur liquidum nerveum, (quod
 tamen incogitantius ut videtur, vicissim ad-
 struit & destruit) atque in motum cieri ve-
 ctes, quas imaginatur, musculares, quidquid
 tandem vel agit vel patitur compages nervea
 comm

motui huic systaltico rite aut secus disposito in solidum deberi. Detur hoc quodcunque commentum; Inde quidem sequitur, duram matrem motui cordis succenturiare, ad fluidorum molem per corpus propellendam; Verum quâ ratione consequens sit, solida viribus magis superare fluida, quam quod hactenus notum est, minus patet; cum quantum accedit viribus duræ matris, tantundem a cordis momento subtrahi supponitur, ut universæ solidorum vires eodem semper maneant. Secundo haud adeo congruum videtur, Medicum mechanicæ deditum, atque hypothesebus infensissimum, quas utique, multis & acrioribus perstringit verbis, rem novam hypothese superstruere, prorsum præcariæ, cujusmodi existit imaginarius ille duræ matris pulsus. Nervos quippe, membranas, tendines, & ossa a dura matre; musculos vero, glandularum parenchymata &c. à corde originem trahere, neque hactenus constat, neque rem probat, atque obsoletis quibusdam de foetus formatione innititur conjecturis. Constat enim hodie inter Ingenuos, non unam partem foetus ab alia oriri, sed totius stamina, sive in ovo foemineo, sive liquore a mare deciduo a Naturæ opifice in integrum, ante conceptum fabricata. Pulsus in dura matre sentiri, cranio nudata, frequenti quidem observatione compertum,

quod in carotidum. & vertebraliū, duræ matris superficiem concavam, pariter & cerebri substantiam, perreptantium, pulsus haud ingenti ratiocinio, hæctenus reponerent Medici: verum, inquit Baglivius, (atque en universi systematis unum, quod video fundamentum) paucæ nimis existunt hæ arteriæ, exiguæ etiam, atque paucâ nimis ramorum serie dispersæ, ut pulsu adeo vegeto duram feriant meningem. Verum hæc perquam difficili apparatu, contrarium experiri potuerit vir Anatomicus. Cerâ liquidâ in Carotides & Vertebrales probe injectâ, ut vasa attingat minima, universam cerebri substantiam ramis arteriosis, tanquam spississimo nemore, coopertam videre est; quod mihi luculenter obtigit inter exercitia Anatomica Illustris Anatomici Josephi du Verney. Neque cuiquam id mirum videbitur, cum perspecta est fistularis arteriarum harum cæcitas, ut quolibet pulsus rythmo, totam cerebri molem tollant & expandant, unde sequi necessum est, & duræ matris extensionem & contractionem, eo magis sensibilem, quod plurima ramorum serie, eadem Arteriæ duræ matris perreptant superficiem internam, quæ iisdem etiam pulsuum ictibus alternis tollitur & contrahitur vicibus. Tertio, quæ de proportionem tradit Baglivius: Inter activitatem & resistentiam cordis & duræ

duræ matris, & æquilibris inter solida & solida, fluida & solida, fluida & fluida, & si quæ alia sunt hujusmodi, quibus universum streper specimen, sonus duntaxat sunt & termini generales, qui nihil præcisum continent in re naturali aut medica. Siquis de mundi universo philosophaturus, proportionem institueret inter activitatem & resistantiam Solis & Lunæ, & æquilibria poneret inter elementa, Terram, Aërem, Aquam & Ignem; verba licet in infinitum protelaret, nihil tamen diceret, unde aut sibi sapientior fiat, aut aliis. Revera pessime hæctenus cum re medica actum est, quod vocibus generalibus, ne quidpiam definitum significantibus, & sibi & aliis illuserint Medici.

Denique nimius est Baglivius in discrimine, undique fluida corporis inter & solida ponendo. Hæc enim revera nisi tenus magis & minus non differunt, cum vel solidissimæ corporis partes in continuo existant fluxu, neque morbo afficiantur solida, ni sit causa externa fluidis illæsis, ut simul non seorsim omnino considerari debuissent.

Ex his dependet, & in his versatur universa theoria Bagliviana; cæterum medicinæ interesset, ut in opere, quod molitur, magno, severiore rerum examine, justiore etiam verborum & dictionis delectu, magis sibi consulat & rei medicæ, neque præpo-

B 5

sterâ

sterâ nimis, (quam ipse innuit) in Bibliopolas humanitate, eandem emolumento pri-
vet, quod a Baglivio attendebat. Ego ad-
rem accedo.

A detecto sanguinis circuitu, hætenus fere existimant Medici, cor vi emboli, sanguinem ex arteriis in venas, per universum corpus propellere. Verum cogita, Arteriarum figuram conicam, latera robusta, & emissaria exilissima. Cogita sanguinis molem, per vasorum ramos numero pæne infinitos propulsam, & quæ per ipsa viscera, ventriculum præcipue, intestina & mesenterium, corporis partem maxime exanguem, intantum scaturiunt, ut postquam cera liquefacta probe repleantur, vix styli apice partem offendere poteris, quæ non sit Arteria aut Vena conspicua. Cogita etiam vasa minima, fibras nempe musculares, & glandularum struementum tortuoso vasorum ductu ingens complicatam; & postquam hæc tecum mente attentius revolveris, imaginare si potis sis, num exigui musculi, cordis circiter dimidium, viribus polleat, tot numero & pondere resistentias superare, ut uno ictu ingenti adeo momento, per universum corpus sanguinis molem propellat?

Secundo Ingentes quidem reliquorum musculorum respectu sunt cordis vires, ut infra demonstrabitur. Sed cujuslibet Machinæ vis
motivæ

motiva non mensuratur duntaxat a projectionis impetu, verum etiam a mole corporis projecti, ex quibus unâ sumptis totius desumitur momentum, ut ex mechanicis notum. Concipiatur E: G: vis motiva, quantum vis, ingens, globum ligneum exiguum projiciens, contra murum ex qualibet materie constructum; globus quidem aut diffringetur aut murum penetrabit, eundem vero ob exiguam superficiem & debile ponderis momentum, minime loco movebit. Cordis musculus, dum comprimitur, actione emboli sanguinis uncias tres ad summum, in Arterias projicit, quod exiguum nimis est, ut universam reliqui sanguinis molem, contra tot impedimenta ex arteriis in venas per universum corpus uno protrudat ictu. Demum

Tertio facilius hæc concipiuntur, si cogites, fistulas arteriales, non esse duras & rigidas, ut eorum latera loco moveri minime possint, neque prorsum sanguine impletas, post quamlibet cordis systolem, ut amplio-rem quantitatem minime recipiant. Hæc enim si ita fuissent, quantum sanguinis quilibet cordis ictus in Arterias projicit, tantumdem etiam, eâdem actione, per arteriarum emissaria, in venas propelleret; Ast arteriarum pulsus plane demonstrat, earum tunicas distensiles esse, & quocunque modo truditur sanguis ex arteriis in venas, deplentur vicissim

sim arteriæ & in se mutuo eorum latera collabuntur. Unde omnino perspicuum est: sanguinem vi emboli, a corde in arterias propulsum, easdem depletas, eâdem quantitate, immediatâ actione denuo replere, atque distendendo elevare; minime vero contra omnem resistantiam superius memoratam, eundem ex arteriarum emissariis in venas protrudere: Prima enim actio facilis est & immediata; altera vero ingens impedita, & non nisi primam consequens.

Verum ut res extra omnem consistat dubii suspensionem (a), Borellum adi, qui ex mechanicis exquisitè demonstravit, vim, qua sanguis, præ sua mole & arteriarum fascis, expulsionem ex arteriarum emissariis in venas resistit, sexagecuplam esse virium cordis absolutarum, quibus sanguis in arterias propellitur. Hujus quidem Baglivius in specimine suo, verum incogitantius & aliud agens meminit, qui demonstrationis scopum vel neglexit, vel minus intellexit. Unâ quippe eâdemque cordis actione sanguinem, in arterias projici, & ex arteriis in venas perhibere protrudi. Borellus vero ex propria demonstratione, actionem statuit, qua sanguis ex arterias in venas propellitur, a motu, quo sanguis vi emboli ex corde in arterias projicitur, diversam omnino esse, & diverso tempore præstitam. Quare diversa a cordis opus est machina,

(a) *De Motu Animal. Parte 2. Prop. 72.*

china, ad sanguinis molem in circuitum propellendum : quæ, quænam, & qualis existat, proxime cogitandum.

Qui de rerum natura & origine antiquitus philosophati sunt, mundi primordia ab Elementis desumebant, Terra, Aqua, Aëre, & Igne; Priores deorsum mole suâ ruere, alteras sponte naturâ, superas ad auras evadere. Cartesius rerum atque causarum sublimior speculator, ἀφιλόσοφος isthoc dicendi genus averfatus, corpora catenus statuebat gravia, quod præ soliditate Aëri impervia, ab Aëris columna super incubente, actione cunei, versus verticis centrum, depellantur; Levìa vero cum porosa sint, Aëre magis fata vorticali ejus motu, a terræ centro deferuntur, & sursum vadunt. Ast hocce Cartesii commentum possum dedit, (b) Philosophia Mathematica, quæ corpora quælibet insita naturæ vi terræ centrum petere, i.e. gravitare docet; cui etiam congruit illa Philosophiæ pars, quæ Experimentis occupatur.

Primo, Aërem sua mole gravitare, plurimâ atque indubiâ experientia probavit (c) Boyleus, ut cunei a Cartesio fabricati, motusque Aëris vorticalis, ad corporum gravitatem

aut

(b) Isaaci Newton *Philosophiæ Naturalis principia Mathematica*.

(c) *Experim. de gravit. & elast. Aëris*.

aut levitatem explicandam, omnino pro hominibus more hypothesios fit commentum. Secundo (d). Flammam, corpus Aëre levius atque ætheri cognatum, revera gravitare ab eodem probatum. Tertio (e), Corpora terrena levissima, quemadmodum sunt avium plumæ a pennis divulsæ, & in orbem expansæ, quæ suspensæ in Aëre hærent liberæ, aut sursum petunt, in recipiente Aëre exhausto, citissime delabuntur, tanquam si ponderosissima extitissent, ut $\frac{1}{245}$ unius minuti non potuerit delapsus mensurari, a summitate ad fundum Recipientis quinque pedes profundi. Ad idem confert (f) Acad. Scientiarum Parisiensis experimentum, quod duo globi ejusdem molis, ex ligno unus, alter ex famæ buci medulla tornatus, in loco occluso ad 147. pedum profunditatem, eodem temporis Articulo delapsi, eodem etiam temporis Articulo terram feriant, secus omnino in Aëre libero. Ex quibus constat, omnia indiscriminatim corpora gravitare, licet non sit eadem gravitas omnium specifica; quemadmodum oleum haud secus gravitat, quam aqua specificè tamen levius existens, aqua omnino supernatat, quemadmodum Aër oleo & Aëri flamma.

(d) *De ponderabilitate flammæ.*

Idem *Experimentorum physico mechanicorum continuatio.*

(f) Du Hamel *Histoire de l'Académie des sciences*

Ex his liquet, corpus quodvis, molis cuiuslibet & compagis, eadem vi deorsum gravitare, ni accedat vis alio: sum premens nisi huic superior.

Si hæc rite mente concipias, sponte eveniet Tibi cogitatio, universam naturam originis suæ instituto, in semet niti; neque enim aliud est gravitatio corporum, quam eorundem seu molecularum corpora constituentium, in se mutuo nifus; & quod status rerum naturalis sit immediatus cōtactus, dimotio vero a cōtactu, status naturæ contrarius seu violentus. Hinc intelligitur continui adhæsiō, res alias intellectu perquam difficilis, quin vereor, plane impossibilis; cum de cohæsiōne Aëris corpora terraquea prementis eadem redeat quæstio. Ex his demum percipies, quod vires corporum elasticæ, sive incurventur, sive distrahantur, in eo consistant, quod remotis impedimentis in mutuum denuo, molecularæ corpora constituentes a dimotione, ruant cōtactum, celeriori eatenus impetu seu momento fortiori, quo magis a se mutuo dimovebantur; ni accedat partium divulsio: Quomodo autem corpora se distrahi patiantur sine partium divulsione, ex (g) Bellinio intellige.

Ex dictis patet, Elaterem, seu contractionem corporis distracti, ejusdem gravitationi con-

(g) *De Contractione Naturali.*

congenitum esse; atque sic omne corpus esse elasticum, seu contractile, quemadmodum & omne corpus grave existit, idque rerum constat inductione.

De Aëre res omnino constat, aquam etiam compressilem esse, & momento insigni in vim quamlibet comprimentem reniti, haud minus ex (h) Boylæo constat, qui licet hæsitanter de re pronunciet, in dubio hærens, an aquæ an vero æeri in aquæ poris hærenti, effectus attribuat aquæ elasticos, id ex eo fiebat, quod de Elatere corporum in genere minus cogitabat. In solidis, ne nimia inductione tædium pariam. En vitra omnium rigidissima, quorum renisum elasticum ad sensum demonstrat communem, sonorum propagatio ex vitris pulsatis, vel solido mediante corpore, vel fluido Aëreo musice vibratione. In genere, corpora fluida non reapse, sed diversis motus gradibus a solidis differunt, una igitur & eadem existit elateris causa in utrisque, ut nullum prorsus sit corpus, quod non sit magis aut minus elasticum, seu nisu polleat, postquam comprimitur seu distrahitur, (neque enim comprimitur corpus sine partium distractione) in pristinos contactus redeundum.

Verum inter reliqua corpora, quam ingens sit valorum animalium elater, seu vis contract-

(h) *Experimenta physico mechanica de gravitate & elast. Aeris.*

tractilis, patet ex vivi animalis canalibus amplioribus, motu peristaltico dicto, indefinenter distractis & renitentibus; ex fibris muscularibus transversim sectis, quæ continuò idque celerrime, versus musculi extrema renituntur, & resiliunt; atque imprimis postquam mortuum est animal, ex Musicorum delectu, qui ex animalium canalibus præ reliqua fere materie chordas conficiunt Musicas, ob vegetiorem nempe chordarum ejusmodi elaterem. Baglivii methodum Anatomicam hic parum moror, neque mihi hætenus suadeo, exquisitissimâ fibræ dissectione, quidpiam innotescere mechanismi hujus elastici, qui, minutum quid nimis est, ut oculis pateat.

A perspecto corporum elatere generali, atque ex hoc perspecto etiam vasorum animalium elatere, proximum incumbit cogitare, quâ machinâ molita est natura, elaterem vasorum vegetius exerere.

Ex dictis de Elateris actione, experientiâ etiam constat, quo magis distrahitur corpus quodvis, sine divulsione partium, idem fortiori vi, seu impetu magis vegeto, remotis impedimentis, in mutuos denuo reniti contractus, ut pristinum recuperet tensionis statum. Quamobrem cautissime a natura provisum est, animalium vasa, arterias imprimis, emboli cordis actione, insigni modo alternis

C

pul-

pulsuum vicibus distrahi, atque latitudines ampliari, ut fortiori momento in fluida contenta renituntur, eademque comprimant incrementum progressum sui motus. Perspicuus magis fieri rei conceptus, ex viribus cordis, reliquorum musculorum respectu, probe intellectis.

Ex Anatomicis notum est, musculorum tendines, quibus trahuntur Ossa & Artus, non ossium extremis, a centro motus maxime distantibus alligari, quod sapientissime cautum a naturæ opifice: Id enim sufficeret, dum muscoli contrahuntur, in monstrosam ex crescerent latitudinem & crassitiem, motum animale commodam pariter & impossibilem, quare ipsis ossium tuberculis, in quibus est centrum motus, vel tuberculis quam proxime inferuntur. Unde non solum pondera quævis appensa superare habent muscoli, sed vectis ossi longitudinem, cujus extremitas appenditur pondus; & eorum vires absolutæ mensurantur a ponderibus, quæ sustinentur & distantia directionum a Centro, ita ut vigesies & amplius viribus superent resistentias ponderum, quibus elevandis sufficiunt, quod egregie ex mechanicis demonstravit Borellus in eximio opere de motu animalium. Ex quibus patet, ingenti virium momento, contra dis musculum, cæterorum musculorum respectu, pondera elevare, seu sanguinis molera in Arterias projicere, quod non vectis ope

sed motu simplici vires suas exerat.

A validissimo cordis musculo, alternâ vibratione, projicitur in Arterias moles sanguinis determinata, quarum inde, compages universa, in amplitudine dilatatur & distrahitur, nempe molem sanguinis, quæ in Arterias projicitur, non recipiunt Arteriæ, ni præcedentem loco pellat; hæc vero non pellitur loco, ni quæ anterior est, locum etiam cedat, & sic deinceps ad vasa minima, per quæ non transit sanguis vi projectionis a corde, ob resistentias superius memoratas; & cum retrocedere nequeat a valvulis impedita, secundum canalium latitudinem motus sui exerit vires, unde dilatantur vasa & distrahuntur plus minusve pro projectionis momento, fortiori aut debiliori. Deinceps distractionem ampliorem renuentes, fasciæ arteriales, renixu elastico in sanguinem regrediuntur, eundem undique comprimunt, unde fit totius molis, per vasa minima, ex Arteriis in Venas expressio, & per universum corpus circuitus. Si id minus concipias, cogita, quamlibet sanguinis superficiem minimam, ab Arteriæ villo incumbente comprimi, ut momentum, quo universa contrahitur arteriarum compages, omnino fere immensum sit. Quanta autem sit vis, quâ sanguis vi projectionis a corde arteriarum feriat latera, & per consequens eadem elateris actione in sanguinem renitantur, concipe ex

Arteriæ Aneurismate , læsâ , quovis modo vel debilitatâ , unicâ tunicæ Arteriosæ plicæ exteriori.

Non igitur cordis actione immediatâ peragitur sanguinis circuitus , quæ utique ex dictis , & Borelli demonstratis sexagecupla proportionem , minor est resistentiis omnibus in unum collectis : Verum sanguis a corde projectus Arterias dilatando , & distrahendocum in causa est , quod eadem , renixu suo in sanguinis molem , eundem undique comprimantur atque per universum corpus in circuitum propellant & trudent.

De mechanismo , quo molita est natura sanguinis per vasa minima circuitum , hæc tenus dictum. Lymphæ & liquidi nervei motum paucis deinceps expediam. Fluida hæc pariter actione emboli , arteriarum nimirum restrictione , in vasa sua projiciuntur : Hæc quidem non conica sed cylindrica fere existunt , & hac quidem ratione , non dilatantur quemadmodum Arteriæ a fluido projecto. Distrahuntur tamen a multiplici resistentia fluidorum progressui obvia. Primo , resistit fluidum in canalibus præexistens , sua mole inerte. Secundo , fluidorum motus non fit ad lineas directionum rectas , seu canalium lateribus paralelas , sed pro vario fluidi a tergite prementis impulsu , canalibus impingunt & reflectuntur , ad angulos plus minus obtusos

Hi, quo minus obtusi sunt, seu ad rectos magis accedunt, majori fiunt motui, resistentiæ, ut patet. Tertio, Hæc eatenus magis conspicua fiunt, quod nervi, nobilissimi imprimis, sexti & octavi paris, quam primum cranium egrediuntur, tortuosâ volvuntur semitâ, multifario implicantur nexu, in retia & ganglios texantur, per universam viscerum compagem numerosos; ut infinita fere, fiant inde motus impedimenta. Quarto, Lymphatica vasa. omni valvularum vestigio, quæ latitudine semipollicari, vix a se invicem distant, haud secus, ac si filo constringeres, angustiora existere, nudo oculo conspicuum est, vel in grandioris animalis vivi sectione, vel iisdem Mercurio repletis. Impedita his resistentiis fluida, omnino in latum se expandunt, distrahunt canales in majores latitudinis suæ diametros, eadem denique succedunt, quæ superius de sanguinis motu demonstrabam.

En Rationem naturalem & mechanicam, nulli innixam hypothefi, rei quidem apud plurimos novæ, verum ex dictis indubiæ; summi autem in Medendi Arte momenti, ex dicendis haud minus patebit. Quodcunque enim motu canalium peragitur, hinc in solidum dependet; ea autem scientiæ Medicæ pars est haud exigua, cum motus fluidorum a canalium tensione elastica rite aut secus

C 3

dis.

disposita, rite etiam aut secus procedat.

De veteri
Medicina.

Sæpius mecum cogitabam, cum
Hominum corpora una existant &
eadem ab omni ævo, atque eodem
modo a circumambientibus afficiantur, quam
obrem, inquam, veteres medendi canones, cum
inutilibus proficuos prorsum fere neglexe-
rint Medici, atque in novis indies excogitandis
indefinenter ad ravim usque se occupent. Sed
nimium in omni affectu est Hominum genus,
& quibus paulatim assuevit sive bonis, sive
malis, ea indiscriminatim tenuit. Veterum
quidem Medicina interna pauca existit & im-
cultata, & quam infinitis modis superat hœ-
dierna, eatenus duntaxat incusanda, quod ni-
mia sit & præparatione & copiâ. In externis
mage versata est vetus medendi ratio: unde
balnea, cucurbitulæ, sinapismi, fustigatione-
nes, frictiones, unctiones, & ligaturæ dolori-
ficæ, omnem fere apud antiquos, Hippo-
cratem imprimis, implent paginam. In Æ-
teologia tradenda, haud adeo quidem Philo-
sophi, unde Recentiores, a falsa theoria
pravam, saltem inutilem praxim, ut mali
Corvi malum ovum oriundum, censebant.
Verum hi minus advertunt, primordia Mæ-
dicinæ non ratione, sed casu detecta fuisse:
& prout quisque vel Ingenio pollens, vel
nominis excellens fama, ratiocinia excogita-
bat, cæterum magistrum aut antiquitatem
venee

venerabundi, in partes & sententiam ibant. Externus ille medendi apparatus ad stimulum pertinet.

Stimuli Medici, doloris species De stimulis
Medicis, sunt aut voluptatis. Utro vis modo pars afficiatur, Naturæ animalis constitutione, tremor incutitur parti validus, qui ex parte in sensorium commune undulatorio nervorum motu delatus, vegetiore motu partem denuo ferit, eademque motus specie liquidum exagitat contentum. Ad dolorem tamen non nimis intensum, imprimis pertinet stimulus Medicus; unde tremor magis validus canalium quatit villos, quorum motu celerius & momento fortiori undulant fluida contenta; quidquid in vasis minimis, vel intra villorum hæret interstitia, conquassatur, comminuitur & elutriatur, fortiori vi, atque magis expedito, quam quo agunt medicamina quævis interna, quæ quantumvis sanguinem exagitant, incassum sibi viam expediunt, quamdiu vasorum torpet renixus. Quare optimo Indicio tantopere in stimulis versata est vetus medicina, quam hodierni homunciones tanquam Barbaram temnunt & incultam. Hipp. in membrorum atrophia, frictione dolorifica, unctione etiam subinde, curam adornabat. Auri (quidem Philosophi durius sonat, spiritus aut fluida quævis ad extra trahere, quemadmodum Hipp. loqui sue-

vit. Sed cogita tecum, an non ex dictis de
stimulo, Mechanica rei pateat ratio; nempe
quod copiosior in partem dolentem fiat liquo-
rum fluxus, ob renixum canalium fortior
& celeriore impetu exertum. Veterum stimu-
lorum vice unicus hodie Medicinæ suppetit
præter cucurbitulas, cantharidum usus epiti-
pasticus, quem Arabibus debet. Neque tam-
men in cantharidum usu de stimulo sæpius
cogitant Medici, quin potius feri sanguinis
derivationem moliantur & evacuationem, unde
de pessimo abusu in quolibet morbi genere &
ægrorum temperatura, quam primum de se-
ro a capite præsertim evacuando suppetit in-
diciū, derivationem vesicantibus ex can-
tharidibus instituunt. Abusum hunc prære-
liquis, haud exiguo nominis sui decore &
Medicinæ emolumento, experimentis & ra-
tione mechanicâ detexit Baglivius. Cæterum
haud magis respondent cantharides omni sti-
muli indicationi, quam veratrum aut con-
volvuli Syriaci succus, universo congruunt
purgantium scopo, quemadmodum enim cui-
libet indiscriminatim morbo, aut ægri tem-
peraturæ, ubi purgandum est, non convenit
helleborus aut scammonium, ita sæpius sti-
mulo opus esset externo; cum, præ igneâ
cantharidum indole corrosivâ, anceps nimis
sit hujusmodi stimuli usus: ut omnino pudeat,
vagam medicinam, inter tot numero infini-
ta,

ta, indies detecta & detegenda medicamina, de errore suo gloriabundam fluctuare, non nisi una stimuli specie fretam, quantopere licet pluribus indigeat.

Actioni stimuli Analogum est om-
ne exercitii genus, quo corpus vel
corporis membra, reciproco agitantur motu;
unde ut patet in consensum tracta canalium
compages, fortiori nixu elateris sui exerunt
vires, & fluida propellunt torpentia. Hinc
est, quod in equo vehi morbis chronicis,
plurimum conferat, ob toties in infinitum
fere repetitam totius corporis succussionem,
unde imaginatu fere impossibile est, quid-
piam adeo tenue & obstinatum, in vasis mi-
nimis aut villorum hære interstitiis, quod
canalium renixui tot infinitis vicibus repeti-
to, atque momento corporis agitationi pro-
portionato, non cedat. Eadem omnino ra-
tione, dum non nisi de luxu, aut corporis
elegantia, cogitant matronæ, optimo ratione
prolis suæ consuluunt sanitati, dum Gnatas
suas delicatulas, imprimis cum menstrua in-
stant, quod mage suetum, in tripudiis exer-
cendas tradent & choreis musicis.

Sanguinis missio instituitur, ob
plethoram, quam ad vasa dicunt;
sempe cum sanguinis, vel pro nimia mole,
vel expansionis impetu, resistentia, superat
vires canalium contractiles, ut iusto renixus
C 3 mo-

De Exer-
citiis.

De missione
sanguinis.

momento, actione alternâ, eundem nec
 comprimant in circuitum per vasa minima.
 Hinc in morbis inflammatoriis, pleuritis,
 lumbago, cephalalgia, dolores Artuum *ἰσχυροί*
νόσοι &c. & id genus. Detracto sanguine ut va-
 sa depleantur, canalium villi renixu su-
 fortius agunt in residuum, & levantur sym-
 ptomata, ut patet. Diversâ ratione, solutio-
 nem problematis Pitcarniani a Bellinio præ-
 stitam ambiguum habeo; nempe quantum
 sanguinis dispendium, sine læsione virium
 naturali, ferre possit animal. Hujusmodi di-
 spendium ad $\frac{2}{3}$ aut amplius totius molis, ex-
 tendi posse, constituit Bellinius. Verum de
 dictis de sanguinis circuitu, constat, non
 canalium renixu, transitum fieri totius molis
 per vasa minima. Detractis autem totius mo-
 lis duabus tertiis, canalium latera renixu su-
 reliquam vix attingent, nedum in omni
 superficie puncto comprimunt, & si nec
 comprimant, neque fit circuitus, & moritur
 animal.

Detrahitur etiam sanguis per venam sectam
 cum præ nimia partium cohæsione, totius
 molis compages est solvenda, ut intima fi-
 partium dimotio; sanguine enim justâ quan-
 titate detracto, quod reliquum est canalium
 oscillatione, fortius conquassatur, minutius
 conteritur & comminuitur. Quomodo facilius
 concipere datur dimotio molis sanguineæ
 quæ

quam ab accelerato motu, ni saltem utrumque ejusdem causæ, alterni nempe canalium renixus, effectus unâ concipias.

Hæc, atque non nisi hæc intelligo indicia sanguinis detrahendi, (de diathesi sanguinis loquor) ni nefaria nebulonum praxi indiscriminatim hauriamus purpureum vitæ fomittem, atque id naturæ relinquere satagant Medici, ne quid detrimenti ex tenebris suis patiatur Hominum genus. Quæ vero a sanguinis detracti coloribus & phasi perhibent, in his sæpius & sibi & ægris illudunt: Quilibet enim indies experietur, pro orificio plus minus angusto, & vasis amplitudine & profunditate, in quo recipitur sanguis emissus, variam fieri cruoris phasin.

Ventriculum inter vomendi nixus, Vomitus. non inverso fibrarum motu, sed ab abdominis & diaphragmatis musculis, spasmodice contractis, vicibus reiteratis compressum & conquassatum, quæ intus contenta sunt sursum rejicere, experimento detexit (i), Chiracus Montpellensis, stimulo igitur ab emetico exhibito fortius quatuntur abdominis nervi; quod eatenus etiam patet, quod a stibii particulis exilissimis, & quæ omnem prætenuitate fugiunt sensum, neque mensurâ dignoscuntur, ingens vomunt Homines: Nem-

(i) Vide Tournefort *Histoire de Plantes &c.* Preface.

Nempe stamina nervea a ventriculi plexu, tremorem ad cerebrum deferunt, cujus liquidum undulatorio motu, in diaphragmatis & abdominis musculos devectum, eosdem spasmodice contrahit, & universa viscerum vasa in motu trahuntur consensum; unde rationes superius de exercitiis tradita, sed fortiori momento, alterno renixu, quæ intus hærent elutriant & exprimunt.

Purgatio. Duplici ratione solvitur alvus, oleo scilicet quopiam ore devorato, aut per anum injecto; vel acri salino, muriatico imprimis. Hinc sal communis haud minus feliciter homines purgat, quam purgantium quævis præstantissima. Si Intestinatorum villi rigidi fiant, (quemadmodum corium, ad ignem adustum aut Sole induratum) torpent, & quasi mortui jacent oleo aut butyro insulso illiti, nempe humido molliore imbuti, pristinas recuperant vires & renixus, & quidquid intus contentum aut deforas allabi pronum est, exprimunt & corpore rejiciunt. Salia vero actione stimuli, intestinatorum glandulis & sanguini allabentia, canalium villos, in fortiores movent renixus, ut accedente sanguinis fusione, quæ magis soluta sunt, per vasorum rejiciantur emissaria. Hinc licet rem minus explicet, haud male posuit (k) Pechlinius, in sapa, olei nempe & salis combinatione, vim

Medi-

(k) *De Purgantibus.*

Medicamentorum purgantem. Ex quibus patet pro habitu canalium, seu solidorum corporis, magis rigido aut laxo, debili aut egeeto, oleosis potius quam acribus, i. e. quæ pluri oleo, minus sale foeta sunt, aut vice versa, purgationem moliendam; quibus cum minus attendunt Medici, aut alvum vix vel non movent, aut difficulter atque nimium movent; quibus probe congruit (1) Ramazzinii observatio, Ruricolas, & qui corpore sunt robusto & habitu Athletico, minus sæpius ferre Medicamenta purgantia, quam qui delicatius & otiose in urbibus degunt. Illorum nempe obfrequens exercitium, fortiori fixu contrahuntur canalium villi, ut minus erant purgantium stimulum de novo inruentem. In his vero torpent otio canales, ut stimulum non ferant modò, quin omnino indigeant.

Ingenti medicamentorum suppellekti. Sudor.
e, sudorem prolicere moliuntur Medici, quod rarius succedit. Enimvero in denso corporis habitu, & rigida cutis tensione, incassum, ignea medicamentorum vi sanguinem exagitas, qui quantumvis in cutem arietat, nullam parat sibi viam, per portam occlusam, & ardor succedens cum siti & febricula molestissima, ægrum fatigant in Medici & Medicamenti opprobrium, quod aliquoties expertus sum:

(1) *De Morbis Artificum.*

sum : Neque meliorem vidi successum, nisi in hypocausto occluso sedeant, aut stragulis opprimantur; quorum calore externo dimovetur cutis villi, & aperiuntur glandulæ, ut subinde succedat feri profluvium, quod sæpius etiam minus succedit, nisi humido calente foveatur cutis, ut villi una laxentur, atque stimulo in oscillationem irritentur. Unde rarius aut nunquam me fefellit mulicularum Institutum, (certissimo indicio Rerum effectus casu sæpius repertos, non a causâ inveniri rite perspectâ) quæ amphoram lapideam ampliore, aqua fervente repletam, ægri pedibus, sub stragulis reponunt, & sudor profluit sine Medicamento copiosus; occluso nempe aqueo vapore calefcente, solo fotu externo prolicitur sudor. Eadem ratione in alvo duriore, aut cum medicamentum difficilius succedit, subinde impero, ut supra fotum vel aquæ vel lactis calefcentis, sedeant æger, & vaporem nudus per anum recipiat. Similis mihi praxis in mensium obstructione aut difficiliori fluxu. Pro Ægræ nempe habitu, & morbi statu, fumigia impero aut humida aut sicca, subinde cum, sæpius sine medicamine interno, utrumque prospero magis & faciliore successu, quam si fluida corporis medicaminibus, plus quam nimis, quod moris est, fatigassem.

Ex dictis patet, quamobrem qui difficillime

ne sudant quieti, exercitio tamen valido bene agitati, ut canalium fiat renixus vegetior, facili fatis opera sæpius sudore diffuunt.

Balnea calida sunt aut frigida. U- Balnea: rariusque frequens apud veteres usus, quem bene oblita est hodierna Medendi ratio. Liquida calore devectora, cutis subire villos, atque altius in corpus penetrare, perspicua ratione experimentis fulta demonstravit (m) Bellinius; quod etiam probat Balneorum usus efficax, in viscerum dolore & obstructionibus obstinatis. Hinc febrium cura apud (n) Galenum, tota fere in Balneis est, optima sane ratione, modo sudore instituenda sit. Si ubivis anceps sit sudoriferorum usus, nulla habita cutis & canalium ratione, in febribus omnino temerarius existit, dum irrita cogitationem sanguinem hæctenus ferventem & occlusum intense commovent; cum Balnei usu laxari cutis potuisset, atque una canalium villi calido humidiorē erecti, faciliiori operâ in sanguinem renitantur, ut quod feri fluidius est, per glandularum exprimant emissaria.

Balnea frigida haud minus commendat (o) Galenus in soluto corporis habitu, in febre hæctica & sudoribus nimis, ni adsit visceris in-

(m) *De missione sanguinis Art. de Balneis.*

(n) *De Methodo curandi ad Glaucum.*


(o) *Idem Method. Medendi lib. 10.*

inflammatio. Nempe frigida contrahuntur cutis & canalium villi, ut liquidorum fluxus magis resistent. Quare sudoribus colliquatis vix aliud hodie experimur remedium, quam liberiores Aëris frigidi accessum.

Ex dictis patet, atque ultra ex dicendorum serie patebit, sanitatem animalem consistere, in iusta canalium tensione, ut vegeto renixu, canalium villi alternâ contractione, fluida comprimant in circuitum pervasa minima, morbi vero genus universum in iisdem sublati.

DISSERTATIO SECUNDA.

De Aquis Mineralibus.

UI in Aquis mineralibus examinandis operam posuere, ad unum omnes, Aquis evaporatis, residuum ignis subiciebant torturæ, ut enchiresi Chymicâ contenta obtinerent; examinationem huiusmodi, Rei cardinem arbitrati, unde nempe de Aquarum natura & operationibus Medicis, certius ferrent Judicium. Verum hætenus parum de Re consentiunt. (a) Henric. ab Heers inter Primos, Sulphur, Vitriolum & ferrum, virtutem & vires

(a) *Spadacrene.*

vires Acidulis Germaniæ præbere, acutâ proposuit indagine. Galli, forsan viri auctoritate & doctrina capti, idem omnino de Aquis suis prædicabant, donec (b) Petrus Givréus, manu sedulius operi admotâ, obnixè contendit, neque in Galliæ, neque in Germaniæ Aquis, quodvis existere vitrioligenus, quin ferrum cum vitriolo omnino consortium renuere, quippe quod confestim in cuprum convertit; idque experimento multiplici probare conatus est. Post hunc Academia scient. Regia Parisiensis, experimenta adornante clarissimi nominis (c) Du Clos, neque cum uno, neque cum altero convenit, horum nihil in aquis dictis reperiēbat; nitrum duntaxat Ægyptiacum, eatenus a nitro diversum, quod inflammabile non sit, & terram incerti generis metallicam ex aquis extrahere potuit. Hisce videtur assentiri (d) Listerus, qui Angliam suam nitri hujusmodi mineris abundante, plurimo experimento testatus est, & Ipse mihi retulit. Attamen Honorandus (e) Boylæus idem fere statuit de Angliæ Aquis, quod ab Heers olim de Germaniæ suæ fontibus.

D

ti-

(b) *Eaux minerales de Provence.*

(c) *Observations sur les eaux minerales de France par Mr. du Clos.*

(d) Libri titulus ni fallar, neque enim apud me inveni, *De aquis medicatis Angliæ.*

(e) *Minerall waters of England.*

tibus statuebat. & quidquid tandem in Aquis his reperire est, ad vitriolum refert.

Ex his patet, Eximios Viros, nimiam crudelitatem sibi imponuisse; vel ambitionem ad aliorum detecta cæcutiisse. Crederem sane quidpiam ex omnibus jam dictis repereundum: neque tamen hoc videtur præcipuum, quod in Aquis his quærere debemus.

Experimenta.

1. Aquæ Minerales Aquisgranienses, Spadanae, Bourbonenses, Tunibrigenses, eundem obtinent colorem & saporem, eadem polent naturâ, iisdem viribus, si magis & minus excipias. Id ex jam dictis patet. Quia enim de iisdem experimenta instituebantur, idem de universis statuunt, quod de singulis. Id ipsum Ego de Scotia nostræ Borealis Aquis famosissimis, Aberbrothickenis & iis, quæ a Promontorio Petri nomen obtinent, expertus sum.
2. Aquæ hæ recens e fontibus extractæ, vitreo inclusæ, coloris sunt ceruleo violacei, saporis metallici vegeti, descriptu difficilis, qui tamen ad ferri saporem maxime accedit.
3. Cuprum infusum in solutione Vitrioli communis, seu Martis, exhibet colorem cæruleum levem.

4. Caput Mortuum Entis veneris, ex Cupro parati, solutum in sp. salis ammoniaci, coloris est cærulei.
5. Cuprum infusum in Aq: forti aut sp. nitri, solutionem præbet viridi cæruleum.
6. Cuprum solutum in aceto, ad conficiendum viride Æris, coloris est viridis, qui observante (f) Boylæo, in hocce præsertim metallo, ex cæruleo conficitur cum pauco flavo.
7. Cuprum solutum in sp: nitri. Pul: gallarum admixto, colore minime mutatur.
8. Solutio vitrioli veneris seu cærulei, in aq: communi, pul: gallarum admixto, colorem exhibet gramineo viridem elegantem; in quo experimento nimia facilitate hallucinatus est (g) Boylæus, dum imaginatus est, quod vis genus vitrioli solutum adstringentibus admixtis nigrescere.
9. Lævisima infusio ferri in aq: frigida, cum pul: gallarum dilute nigrescit.
10. Solutio florum lapidis hæmatitis (ex minera ferri) in aq: communi cum pul: gallarum nigrescit.
11. Solutio vitrioli albi in aq: communi, pul: gallarum admixto, tincturam exhibet nigram atramento vix inferiorem.
12. Aquæ nostræ postquam leviuscule super

D 2

ignem

(f) *De Coloribus.*

(g) *Idem de Color.*

ignem ebullierunt, colorem cæruleum elegantem deperdere incipiunt. Minus a gallis admixtis colore alterantur. Evaporata ad dimidias aquâ, tanquam putealis fit fortiori ebullitione, & colorem fuscum turbidum, plus minus pro aquarum discrimine a gallis induit. Saporem interim retinent stipticum.

13. Aquæ Aberbrothicensis; pulvere gallarum admixto, coloris sunt purpureo rubri ad vim rubri gallici colorem accedentis.

14. Quæ a Petri promontorio nomen obtinent, a pul: gallarum admixto, coloris sunt cæruleo nigri, & atramentum Bonæ notæ ex tempore conficiunt.

15. Affusâ aquâ communi, super aquas proximè dictas pulvere gallarum alteratas (duplâ plus minus ad miscelæ quantitatem proportionem) percipere incipiebam reflexionem rubram in certa vitri positione, quæ pluscula affusione (proportionem jam circiter triplâ) colorem prorsus induebant aquæ Aberbrothicensis a gallis admixtis.

16. Ex affusione jam dicta, quæ crassiora in Aquis existebant, in amplexus ruebant mutuos, & aliquamdiu in fluido natant tandem ad fundum subsidebant aquæ jam limpidæ factæ, & rubedine suâ privata. Hanc decantatam cum pul. gallarum denuo admiscui, unde rubedinem pristinam recu-

perce-

perabat. Maxima tamen aquæ communis quantitate affusâ, nihil prorsus ad fundum subsidebat, neque omnino turbata aquæ diaphaneitas.

17. Solutio vitrioli Martis in aq: Com: syrupum violaceum colore viridiusculo tingit, nullo rubedinis indicio.

18. Sp: vitrioli pauca quantitate affusus, solutioni vitrioli Martis in aq: communi cum gallis admixtis, pulverem ad fundum præcipitat relictâ aquâ diaphanâ.

19. Ol: Tartari per deliquium & sp: C. C. guttatim aquis nostris affusus, colorem aquarum nativum in album mutat subfuscum; Pul: gallarum in miscelam projectus, dimidiâ circiter colorum proportionem easdem tingit.

20. Sp: nitri & vitrioli, vix quidpiam colorem aquarum nativum alterant; projectus tamen in miscelam pul: gallarum, nihil magis operatur, quam si in aquam projiceret communem.

Cuprum Aquis mineralibus inesse, constat aquarum colore cæruleo, collato cum exper: 3, 4, 5, 6; Cuprum enim in quocunque gradu solutum, tincturam præbet cæruleam: Neque quod aliud metallum cupri expers, menstruum, dissolvitur, cæruleo tingit colore. Cuprum vero non esse, quod aquas has unice

tingit, patet ex aquarum sapore ferreo: Exper: 7 & 13. cum 14.

Præsentiam ferri probat sapor aquæ ferreus Exper: 1. cum Exper: 9 & 10., ex quibus patet, quæpiam ferri solutionem affusis gallis nigrescere plus minus. Neque aliud quodvis metalli genus solutum, ferro excepto, a gallis alteratur. Diutius tamen attolentius hæsi, dum aquas Scarisburgenses Anglicanas, probe servatas cum Gallis admiscui, easdem ne vel minimâ nigredine infectas indè observabam. Postquam tamen unius nycthemeræ spatio in vitro remansisset miscelam, nubecula nigra summitatem versus suspensæ stetit, quæ sensim se expandens post duodecim circiter horas intensa satis nigredinem aquam colorabat.

Vitriolum in se spectatum, ut ut vulgarissima sit opinio, aquas Minerales non impregnare, constat Exper: 8. de vitriolo veneri instituto, cujus nempe solutionem viridis colore, cupro seu veneri proprio tingunt galli.

Statuendum igitur, Ferro omnino vitrico Martis Basi in solidum deberi & saporem Aquæ Mineralis, & a gallis admixtis colorem nigrum.

De Alumine Givræi, atque de Clofii & listeri Nitro, cum parum aut vix differant

fale naturali Terræ, a (h) Tournesfortio imprimis eleganter & nitide descripto; vix mihi dubium, quin id salis genus constituat, quidquid falsum in aquis existat. Nimum tamen defudat Givréus, dum operosissimo apparatu probare nititur, ferrum & vitriolum hospitium renuere mutuum; quin hoc illud in cuprum convertat. Patet enim (Exper: 17) vitriolum veneris seu ex cupro confectum, in aq: communi solutum, cum gallis virefcere, quod vero ex ferro conficitur, plane nigrescit; indicio prorsus manifesto, ferrum, ex quo fit, vitriolum Martis dictum pristinum suum genium retinere.

Verum, nullum esse corpus minerale fixum, unde nomen & naturam aquæ minerales mutuuntur, docet; Primo, exper: 12; neque hic opponendum, colorum absentiam vel præsentiam, minime naturam Rerum variare, quippe jam patet, levissimam ferri solutionem (exper: 9.) a gallis admixtis nigrescere, unde quo magis aquas minerales evaporares, eo magis intensam a Gallis susciperent nigredinem, aucta nempe mineralis fixi proportionem. Manet quidem post ebullitionem sapor aquæ stipticus. Verum post abstractum ex vitriolo spiritum, sapor stipticus una non abstrahitur, quin intensiorem præbet colcothar; quare sapor aquæ mineralis

D 4

stipti-

(h) *Preface a l'Histoire des Plantes.*

stipticus post evaporationem non magis probat præsentiam mineralis integri, quam idem Colcotharis seu capitis mortui vitrioli sapor arguit præsentiam integræ substantiæ vitrioli.

Secundo, Experimento 16. constat, post residentiam omnem fixam ad fundum aquæ præcipitatam, aquas haud secus quam ab initio a gallis alterari; Quare tenuius quiddam est in aquis his, quod colorem a gallis suscipit, & per consequens, ab exper: 12. & jam dictis, nomen & naturam iisdem tribuit.

Tertio, Verisimile est, fontes medicatas pluries imprægnari solo halitu minerali, quod aliquoties examine habito nulla in earum confinio reperiantur mineralis cujuscumque vestigia. Halitus vero hujusmodi, eadem, atque fortiori, quàm quâ fontes subeunt, ratione, actione ignis denuo avolabunt.

Quarto, Huc confert, Ægrum quendam ad aquas nostras Aberbrothicensis, consilio meo remissum. Hic per aliquot dies præ debilitate vix vectionem in equo, ex diversorio, ad fontem quotidie ferre compos erat. Postquam vero cyathum aquæ ter aut quater depleisset, jam alacer & vegetior per campos incedebat & obambulabat. Est igitur in aquis medicatis spiritus mineralis, mobilis nimis & fugax, ut ignem ferre possit. Hunc ea præsertim methodo obtinendum & examinandum censeo.

rem, qualem proposuit (i) Academia scientiarum Regia Parisiensis, in plantarum destillatione, Miscelis vero Acidis & Alkalinis nihil fido. Patet enim experimentis 17, 18, 19, & 20. nullo neque acido neque alkali imprægnari. Acidulæ quidem nomen habent: verum ipsum Martis vitriolum, quod obtinent præcipuum, nulla rubedine, quin colore viridiusculo, syrupum tingit violaceum. Præter ea Acidum vitrioli tantum abest, ut sua Aciditate, colorem aquæ gallis admixtis nigredine inficiat, ut omnino colorem dictum destruat (exper: 18.) Equidem Acida per se affusa colorem aquarum nativum parum alterant, Alkalia alterant: Verum post affusa Aquis Alkalia, pul: gallarum admixtus semper magis aut minus nigrescere facit mixturam, contra omnino de acidis (exper: 19. & 20.) verum de voculis hisce in introductione jam dixi. Deinceps duo restant inquirenda. Primo qua ratione investigari queant diversarum aquarum mineralium diversi virium gradus; quippe ex dictis, haud aliâ ratione videntur differre. Secundo, Ideam proponere originis harum aquarum. Primo

Cum discrimen perspicerem coloris a gallis admixtis, aquæ Aberbrothicensis, & alterius a Petri promontorio denominatæ (exper: 13, 14.)

D 5

(i) Dodart. *Memoires pour servir a l'Histoire de Plantes.*

14.) sedulo mecum dubitabam, an phales aquarum diversæ, a diverso minerali, an ab ejusdem mineralis diverso gradu succederent. Exper: 15. rem indubiam posuit; triplâ enim circiter aquæ communis proportionem affusâ, idem fiebat utriusque color, unde indubie patebat, non diversâ aquarum mineralia, sed ejusdem mineralis diversos gradus utrasque foccundare. Idem vero de universis, quod de his statuendum (exper: 1.) graduum excepto discrimine. En magni momenti rationem plane simplicem. Infinitæ inter Medicos Gallos; imprimis existunt lites, de virtutibus diversarum aquarum sibi mutuo collatis; dum peculiaris aquæ, unus pro genio & experimento suo, Patronum se offert; reliquas omnino hujus ratione nihili habet, temnit & damnat. Alter contraria prorsus recriminat. Hinc mutua ex convitiis scandala, nullo rei Medicæ commodo. Ast facili negotio rem percepissent. Aquæ quædam, ut jam constat, triplâ saltem proportionem mineralis, aliis ejusdem Regionis fortiores sunt: Idem igitur numero Æger, vel duo ejusdem ætatis, habitus & morbi, eandem harumce aquarum quantitatem, eadem methodo & regimine si bibant; nil mirum sane, si uni in sanitatem conferat, alteri noceat. Pro diversa igitur mineralis proportionem ad aquam, majori vel minori copiâ, pro morbi ratione omnis aqua

mine-

mineralis haurienda.

Experimentum jam dictum, casu mihi sequens (16) detexit, ex quo percipiebam faciliorem methodum, obtinendi ea, quæ crassiora in Aquis mineralibus existunt, quam quæ fit evaporatione aquæ, unde vero simile vel alterantur vel minuantur, vel utrumque. Neque obstant galli admixti, quorum nempe quantitas nota a residuo subtrahi poterit, & quas neutiquam alterant, cum nullo minerali gaudeant. Secundo: De fontium Medicatarum origine.

Vulgo habetur, aquas Medicatas mineras solidas proluere: Ast id minus verisimile videtur, cum aqua communis, tincturam lævissimam suscipiat a corpore minerali, aquarum mineralium virtuti & effectibus parum accomodam. Res igitur altius est repetenda.

Experimentis indubiis detexit ingeniosiss: (k) Boyle, Gemmas & Adamantes corpora omnium solidissima, a primæva origine guttas existere limpidas, deinceps glutinosas, nec nisi temporis successu, ultimam duritiei induere compagem. (l) Idem haud lævi conjectura de lapidum vulgarium proposuit formatione. Et Egomet lapidem unum & alterum obtineo ad *Eske Scotiæ* nostræ fluminis ostium repertos, quibus multiplicis gene-

(k) De Origine Gemmarum.

(l) Hist. Fluiditatis & firmitatis part. 2.

generis concharum vestigia, inhærent distincte impressa, haud dubio indicio pristinæ mollitiei. Pariter dudum mihi obtulit Joh: Drummond Medicus Edimburgensis Vir candidus & ingeniosus, lapides quosdam sectiles, longitudinis fere sesquipedalis, dimidiæ circiter latitudinis, crassitiei dipollicaris plus minus. Fissuris aliquatenus hiant, quibus intrusâ cultri apice, levi opera & de motu intestino particularum in quiescentibus solidis. In laminas diffinduntur, unde ejusmodi lapis *Φόλις* nuncupatur. In medio existunt *Pisciculi limaci* terrestri haud absimiles. Reperiuntur apud *Hockeny*, vicum ad frætum Edimburgense situm, intra æstus marini terminos. Confestim molliusculi sunt, quodammodo flexiles & impressioni cedunt; aliquamdiu Aëri expositi duritiem induunt lapideam; ut mihi videatur, ex pisciculis hujusmodi halitum profluere petrificum, unde materies in confinio glutinosa, duritiem sensim acquirit in animalculi tutamen ab Maris æstuantis injuriis; quemadmodum haud levi animi oblectamento, mihi contigit observare *Astacum*, ex conchæ spirialis majusculæ (apud nostrates a *Buckie*) pisce formatum. Naturam quippe ejusmodi domicilium, in teneri animalis præsidium molitam esse arbitror, eâdem ratione, qua Bombyces, Papiliones, reliquaque hujusmodi insectas volatiles, cute munivit crustacea,

ceâ, ad Aëris inclementiam averuncandam, quoad firmiore partium textura compactæ, illæ sæ ferant extus ingruentia. Hæc quidem obiter : Verum ex dictis clarius elucescunt, quæ dilucida encheiresi (m) Tabernæmontanus, & post illum (n) Petrus Givréus in mineralibus detexere; eorum nempe primordia in Terræ profundo existentia, succum esse glutinosum Terebinthinæ seu gummi plantarum haud absimilem.

Embryon hoc metallicum fontium medicatarum scaturigines, e gremio Terræ superficiem versus profilientes, proluunt, & calido subterraneo fœtæ, ejusdem ideam, seu totius substantiæ compagem primariam, secum ferunt : Quippe ob compagem mineralis laxiorem, intimius ad sal minerale penetrantes, ejus ope reliquam solvunt substantiam, & in poros suos intimius recipiunt, eâdemque operâ compositionem præbent, infinito modo magis exquisitam, quam quodpiam Alchymistarum *Alkahest*, ex minerali solido extrahere potis est.

(o) Succus hic cujuspiam mineræ particularis reliquis seclusis, minime habendus est, quem;

(m) Vide Horstium de *Thermarum Natura*.

(n) *Eaux mineralis de Provence*.

(o) Mineralia e Terræ visceribus detracta, & quæ integrum jam formata sunt, aut nunquam aut raro heterogenei mineralis mixturæ, immunia esse, vide Boyle de *Infido experimentorum successu* Tract. 1.

62 DISSERTATIO SECUNDA &c.

quemadmodum neque succus plantarum nutritius, unum gummi genus reliquis exceptis. Unusquippe & idem Terræ succus, pro diverso Climate diversos edit fructus, & plantarum terebinthinas. Idem etiam succus mineralis in diversis Terræ Regionibus, metalla profert prorsum diversa; a diversa nempe concoctione, diversam partium texturam (modificationem nuncupant) & unus suscipit & alter: Neque magis difficile, illius quam hujus rationem reddere: neque revera ad Medicinam hæc spectant. Confirmantur jam dicta experimento 11. Patet enim, solum ferrum solutum tincturam cum gallis suscipere: nigram: sed vitriolum album ex Minera seu scoriis argenti confectum solut: cum gallis nigrescit; Indicio ut mihi videtur manifesto, in venis argenteis, seu eorundem succo primario, & primordia quædam ferri existere. Aliàs quamobrem vitriolum veneris seu cupri, non potius exhiberet tincturam nigram, quam quod album est, Ast quidem, ex omnibus jam dictis pater, Ferrum præ reliquis eminere, i. e. succum mineralem, quem aluunt fontes medicatæ ad ferri compagem magis dispositum, & notum est, hujulce metalli Regiones boreales præ cæteris feraces esse.

DISSERTATIO TERTIA.

De Marte , seu Ferro.

UNiverſi Medici, Chymici, Pharmaceutici, de ferro & ejus præparatis aiunt, neque ulterius fere aiunt, quod ligant & ſolvunt, ſeu obſtruunt & deobſtruunt. Sententiam plane Authoribus indignam! Ni ſaltem explicuiſſent, quomodo, aut quod minimum eſt, quando hoc aut illud præſtent. Quidam fateor, qui ſibi aut aliis ſatisſieri magis ſatagunt, exteriora ferri adſtringere, interiora reſolvere perhibent. Hinc operoſe nimis encheireſes, ad mutuum inter extus & intra commercium ſolvendum; & infinita tandem in igne tortura, ad ſalis mineralis exaltationem; ſeu ut alii malunt ad noxium neſcio quod ſulphur abigendum; hoc ſecum rati, Vulcanum ferociſſimum licet, eâ tamen eſſe prudentiâ, ut benignitate, ut inter noxium & utile diſcriminet; & noxio proſtigato, quod utile eſt, operariis ſuis devotionis ergo, denuo offerat. Pudet ſane, viros Mundi Diſcaſcalos, in re omnino ſeria ludere, Cœcorum inſtar, quæ neſciunt peragere, & Andabatarum more ratiociniis pugnare, quam Arti importunæ nuncium remittere, atque nudam amplecti
natu-

naturam. (p) Hartmannus Chymia^æ Artis expertissimus, in Martis præparatis raram admittit chymiam, nec nisi simplicissimam, naturæ simplicitati magis accommodam. (q) Sydenhamius etiam laboriosâ omni enchirysi chymicâ posthabitâ, ad Galeni methodum vetustam ut tutiorem se contulit, qui feliciter Artis ignarus, mineram ipsam a natura præbitam, sine ambage, idque fausto satis cum successu, præbuit. Chalybem ex ferro conficere bonam, unum omnino est; Medicamentum bonum, plane alterum. Ex mero Ingenii lusu, nomina diversa & contraria eidem rei imponimus, & credula adeo; jam existit Medicina, ut in ferro exhibendo vix amplius egeat Medicus, quam duabus voculis (*Croc. Mart. Aper. & Croc. Martis, adstring.*) ut pro lubito suo ægrorum corpora aperiat aut adstringat. Sal Martis inter famosissima existit aperiencia; & tamen mihi notum, diarrhæas propemodum desperatas a remedio hoc curatas. Idem omnino dicendum de vitriolo Martis officinali. Et quid mirum? Hoc sane & illud, nil aliud sunt quam vitriolum operosiore Arte confectum. Ego deinceps conabor demonstrare, Martem & ipsius præparata, sive adstringant sive resolvant, (u-
trum-

(p) *Praxis Chymiatrica de melancholia, hypochondriaca.*

(q) *De Affectione Hysterica.*

trumque vero peragunt in diversis ægris, & egrorum circumstantiis) id immediata adstriptione perficere.

PROPOSITIO PRIMA.

Sanguis aqueo-viscidus, plurimo phlegmate, seu lymphâ crassa, paucò spiritu seu principio activo fætus, aptus est hæere in vasis minimis, unde fiunt obstructions cachecticæ vulgo dictæ. Sanguis etiam crassus & compactus, paucâ lymphâ fætus, a Medicis adustus & melancholicus nuncupatus, facilis hæret in vasis minimis, & obstructions parit schirrosas & scorbuticas. Verum, si sanguis aqueo tenuis sit, seu cujus serum, nimia est proportione ad partem fibrosam, facile elabatur per vasorum emissaria, unde fiunt evacuationes præternaturales.

EX dictis in dissertatione prima, constat subsistere omnium fluida universi corporis, ni motu canalium contractili, seu eodem renixu, in motu progressivo antro-
n propellantur. Detur sanguis, quemadmodum in prima propositionis parte proponitur:

nitur: Vasorum villi, fluido viscido imbuti, seu quorum interstitia ejusmodi lymphâ replentur, ad motum segniores fiunt, & contractionem oscillatoriam debilius peragunt. Quare sanguis suapte languidus & effectus subsistet omnino plus minus in convolutione glandulosa vasorum minimorum; eò quod vires cordis propultrices, naturâ superantes canalium etiam motus contractilis minor est quam qui sanguinis hebetis resistantiam superare potest. Fiunt igitur obstructiones quales in hydrope, anasarca, leucophlegmatibus coloribus mulierum pallidis, & cæteris hujusmodi morbis cachecticis, unde patet prima pars propositionis.

Pariter vasorum villi feri inopiâ rigidi fiunt unde ad motum oscillatorium reciprocandum redduntur inepti; quemadmodum corium vel ad ignem, vel sole adustum, neque facile tensilis est, & si distendatur, in statum pristinum minus renititur; unde fortiori actione subsistent ejusmodi fluida in arcticis canalium angustiis. Et si supponatur canalium latera reciproca actione, veggendo modo fluida vibrare contenta, tantum abeunt ut antrorsum eadem trudent, seu compage crassam loco dimoveant & dissolvant, ut omnino in contactus mutuos ob negatum fluidum contactibus dimovendis requisitum fortius eandem impingant, i. e. obstructi

nem reddunt magis obstinatam. Fiunt igitur, sanguine hujusmodi existente, obstructions obstinatiores schirrosæ & scorbuticæ; inter quas subinde numeranda hydrops ascites, hærente utique in vasis minimis crassiore sanguinis compage, quod superest seri, per vasorum elutriatur emissaria: & patet Secunda.

Demum canalium villi fluido seroso tenui imbuti, flaccescunt & enervantur, motusque suos contractiles vel non peragunt, vel ægrius peragunt, quam requiritur ad circuitum molis sanguinæ, ex arteriis in venas promovendum. Attamen sanguis ejusmodi non subsistit in vasis minimis, quin præ depili compage, soluto partium nexu, quod tenuius est seu serosum nimium fluorem natum, per vasorum elabatur emissaria, vel intra corpus, ut in hydropæ ascite nonnunquam; vel extra corpus, ut in diarrhæa, diabete, sudoribus colliquativis, albis uteri purgamentis, fluore mensium immodico, & cæteris hujusmodi a tono partium enervato, & sanguine parum consistente. Patet ergo tota propositio.

PROPOSITIO SECUNDA.

Omnia Medicamenta ex ferro parata serum dissipant, & villos adstringunt.

Ferrum, & Medicamenta quælibet ex Marte seu Ferro parata, manifesto sapore re gustui stiptica sunt, & ptyalismum movent: Verum præter stiptica, non alia quævis id præstant, acribus exceptis, quod experientiâ constat. Sed nullo acredinis indicio notantur Medicamenta, cujuslibet præparationis, chalybeata, quod sensui etiam notum. Quo autem modo, & quibus motibus ultimis, a sapore stiptico fiat ptyalismus, huc non pertinet; cum de re constet. Indicasse sufficiat, id fieri duplici ratione, altera utrâ vel utraque; nempe canalium villorum concussione approximando, unde quæ in interstitiis hærent fluida, locum cedere coguntur. Secundo quemadmodum explicuit (1) Borellus lactis coagulationem, scil. diffringendo lymphæ vesiculas fibrosas, unde serum fluidius intus contentum elabitur: utraque autem ratione patet propositum. Dicet quidam, ex dictis fore evacuationem seri diffusi: verum ex operationibus Mercurii patet, quælibet Mercurii præparata sanguinem

(1) *De motu animal. Part. 2. Prop. 130.*

nem dissolvere, & quod ex soluto sanguine fiat evacuatio. Sed quædam Mercurii præparata, ut *Æthiops mineralis*, panacea etiam iusto modo parata, non ullo modo sensibili evacuant; nempe ab huiusmodi gradatim fit solutio, unde modo in sensibili per quælibet corporis emunctoria soluta evacuantur. Idem evacuationis respectu de Marte dicendum, ni nimia quantitate, nimium serum confestim elutriet, & eadem operâ villos nimium constringendo, hydropem progignet ascitem, ut subinde fit. Quare

Medicamenta ex ferro parata in sanguinem recepta duplicem nanciscuntur operationem; in sanguinem ipsum & in canalium villos. In sanguinem, compingendo fibrosam suam compagem, & subinde diffringendo vesiculas lymphaticas, elutriet quidquid inibi exit feri fluidioris. In canalium villos, eodem rectius sibi invicem impingendo, quidquid fluidi & mobilis in interstitiis hæret, loco pellunt. Unde utroque nomine Medicamenta alalybeata, humidum quodvis in canalibus existens dissipare apta sunt, sanguinis compagem firmiorem reddunt, & magis cohærentem tonum partium universum roborant, spiritus nimio sero obrutos, humidum dissipando superfluum, exigunt. Verbo; in universum conducunt: ubi indicia medica ad jam cetera referuntur. Sit igitur.

PROPOSITIONIS TERTIÆ, Pars Prima.

Discrimen ponere, in quibus obstructionum generibus, Medicamenta chalybeata conveniant, & in quibus non conveniant.

CONSTAT ex dictis, sanguinem, aqueo viscidum, plurimâ lymphâ crassâ, paucò spiritu seu principio activo foecum; seu quod idem est, licet spiritu minus destituatur, tamen idem phlegmate immerisus opprimitur, sanguinem hujusmodi in vasis minimis hærentem, parere hydropem Anasarcam, leucophlegmatiam, colores mulierum pallidos, & inde mensium obstructiones. In hujusmodi corporis statu chalybeata exhibita, vasorum minimorum villos concutiendo, eorum latera ad se invicem impingunt, unde liquidum villorum interstitia occupans cum fluorem adhuc obtineat, ad contactum partium mutandos requisitum, omnino dissolvitur & loco movetur. Pariter ejusmodi Medicamenta dissipando superfluum sanguinis humidum, firmiorem ei reddunt compagem, atque principia erigant activa, sic omnino patet fluidorum corporis motum inde reddidi vegetiorem, atque facilius motui obsequi canalium contractili: Quare a chalybeatibus exhibitis, utraque ratione referantur vasa minima

minima in morbis jam dictis. Verum,

Sanguis crassus & compactus pauca lymphata imbutus, & qui a Medicis adustus dicitur, obstructions gignit & scorbuticas. In hujusmodi morbi statu, chalybs & ex eo parata villos feri requisiti defectu, hactenus rigidos, quod ejusdem superest, dissipando, frigidiore reddunt; unde motui oscillatorio omnino inhabiles fiunt. Quin & sanguis hujusmodi, in vasis minimis hærens, cum liquido privetur ad contactus suos mutandos, requisito, in contactibus eo obstinatius perseverat, quo magis liquidum dissipatur; Et si jam detur, canalium villos oscillationem quam vegetius perficere, eò obstinatiorem reddunt obstructionem, quo vires canalium contractiles fortius intenduntur. Quare tantum abest, ut chalybeata quidpiam præstent, ut omnino e contra nihil prorsus magis existat nocuum.

Hinc patet, quam cæco gressu incedant Medici, dum ferrum omnium obstructionum, indiscriminatim, proponunt antidotum; neque cibum famis magis, quam martem obstructionum volunt haberi Medicinam. Unus tantumtaxat est aut alter, qui discriminis meminit, idque incuriosius nimis. Nihil tamen majoris momenti in Medicina agitur: Quippe neque ullum in morbis chronicis Medicamentum magis universale. Jam autem

patere arbitror, haud minus damni ex abusu, quam ex usu commodi attendum.

PROPOSITIONIS TERTIÆ, Pars Secunda

Discrimen ponere, in quibus evacuationum generibus, Medicamenta chalybeata conveniant, & in quibus non conveniant.

EX iisdem dictis constat, sanguinem aqueo tenuem, nimio sero gravidum, & debili parte fibrosa, effluere aptum per vasorum emissaria, & evacuationes per uterum, per anum, per corporis etiam habitum seu cutis glandulas, producere. Chalybeata, serum tam in villorum interstitiis, quam in ipsis canalibus superfluum dissipando, vasorum roborant tonum, quorum redintegrato oscillatorio motu, sanguinem intimius commiscent, nexum sericum cum fibris restituunt, universam denique compagem reddunt vegetiorem. Unde circuitus sanguinis ex Arteriis in Venas expeditior, quam ut serum reliquæ compagi unitum, per vasorum clabiqueat emissaria. Atque eatenus evacuationibus conveniunt Medicamenta chalybeata. Verum,

Si tanta sit sanguinis colliquatio, ut hæc sicut fiant evacuationes, quæ una & morbi sympto-

symptoma, & symptomatis existunt Crisis, Medicamenta chalybeata, cautissime, neque ultra primos hæcticæ gradus sunt exhibenda. Vel enim nimis dissipabunt serum vitæ necessarium, & corpus suapte aridum, reddunt aridius; vel tonum villorum plus quam satis indurando, serum per corporis emunctoria evacuandum intus detinebunt, seu in partes corporis principes & debiliores rejicient: Unde cum omnis, ut dictum, evacuatio hæctica, quantopere licet ægrum debilitet, eundem tamen a præsentī symptomate subleuat, quidquid aptum est evacuationem omnino sistere, ægrum præcipitabit in statum pristino pejorem. Sed,

A sanguine crasso & compacto in viscerum canalibus minimis hærente, quidquid feri fluidius est subinde elutriatur, & vasa lymphatica vel distringendo, in abdominis cavitatem evacuatur, & hydropem facit ascitem, ut a (s) Lowero explicatum; vel vasa eadem in molem ingentem distendendo, idem efficit genus morbi, ut experimentis probavit (t) Nukkius in hydrope uteri præsertim. Licet ex dictis constet, hydropem saltem incipientem, chalybeatis haud improprie subinde curandam; Ejusmodi tamen in statu sanguinis dicto nocerent ob rationes traditas:

E 5

Inde

(s) De Corde.

(t) Adenographia.

Inde enim fluidum obstruens compactius redditum, & villi rigidiores facti, obstructionem redderent obstinatiores, & morbum angerent.

De ferro seorsim jam dixi, neque forsan deerunt, qui dicta flocci facient, quod dictione formali non explicuerim, quid sit ferrum, & quæ compages ejus intima. Quibus respondeo; effectus demonstravi; Intimam naturam, quemadmodum neque alterius rei cujuscumque, non novi. Et quid quæso Arte chymicâ & omnifariâ ignis torturâ, de ferro hæcenus innotuit? Sulphur ferri ingens prædicant, neutiquam demonstrant. Nihil magis decantatum, quam Sal Martis: Ast amaborem ipsam! Ferrum utique in sp. acido dissolvunt, ex quo merum conficiunt vitriolum, quod Sal Martis inscribunt, tanquam si nomina rebus naturam inderent: Neque enim Sal illud ferri est, sed Acidum menstrui in poros ferri receptum, seu ferrum Acido dicto acutum. Idem dicendum de ferro cum sulphure ignitione parato, licet minime tanti habeatur, quippe neque tam bello nomine gaudet. Analoga tamen utriusque præparatio, eisdem utriusque vires & effectus demonstrat. De ferro igitur indicasse sufficiat, idem de soliditate, ponderosâ & lævigatâ, fortius, diutius, & constantius in sanguinem reliquaque corporis fluida operari, quam alia quæ-

quævis, plurima saltem Medicamenta vegetabilia, quorum vires si minutim exhibeantur, in primis viis enervantur. Et si confertim exhibeas, jam ipsa primas vias enervabunt, & oppriment. Neque tamen prorsus negarem, quidpiam aliud in ferro existere, unde Medicinæ magis, quam reliqua stipticorum classis, congruit. Quippe & procul omni dubio est, singula Medicamenta ejusdem licet indolis in proprietatibus notis, quidpiam minime notum continere, unde indicibus Medicis magis accommoda sunt; quam alia quæpiam iisdem insignita proprietatibus notis. Plurima existunt amaro stiptica; non tamen hæcenus inventum est februm intermittentium antidotum, cortici Kinæ Kinæ æquiparabile. Hoc autem quodcumque est in rebus specificum, proprietatibus rerum notis neutiquam contrariatur, quin in iisdem omnino fundari, sensu patet Hominum communi.

De Aquis mineralibus speciatim.

Quæ de ferro dicebam, eadem de fontibus medicatis dicenda, ferro imprægnatis, seu quod idem est, substantiâ minerali liquidâ, quæ ulteriore coctione in ferrum elaboratur. Eatenus tamen differunt, quod operatione medicâ ferrum excellunt, atque usus
sunt

sunt magis unīversi.

Excellentiores arguunt quæ superius exposui, de earundem origine, nempe quod scaturigines aquarum mineralium, ex profundo Terræ superficiem versus profiliētes, liquidum alluant minerale, ejusdemque ideam, seu compagem totius substantiæ primariam, in gremio suo auferant, intimiore solutione, quam quæ a menstruo chymico, ex substantia metallica compacta, obtineri posset. Duplex inde Medicinæ bonum. Primo intimiore in fluido aqueo solutione, in ultimos corporis recessus, quā fertur ipsa aqua, pervadit, & quidquid obstat, facilius loco pellit: Quidquid interim loco movet, aqua secum auferit, & per corporis abluit emunctoria. Secundo notum est, operationes ferri medicas, intensiores fieri; volatili quoque adjecto, quemadmodum fit in primo Ente veneris, floribus salis ammoniaci martialibus, famosissimis deobstruentibus. Enimvero corpus minerale sale minerali acutum, celerius, fortius & intimius, corporis animalis penetrat recessus, & diutius cum sanguine circuit, quam dum volatili privatum, propriis duntaxat innititur viribus. Quod Ars in his imitatur, id natura per eminentiam in aquis mineralibus præstitit, quarum volatilitas quo magis blanda, eo naturæ animali facilior, neque minus efficax, quod morbi chronici

non

non uno ictu, sed sensim curam fuscipiant : adde, quod intimiore cum compage fixa unionem, difficilius a mutuo segregantur consortio. Sicubi igitur natura Artem supereminet, fontes medicatæ encheiresin quamvis chymicam in ferro institutam excellunt.

Neque minus ex dictis constat, Aquas minerales usum obtinere magis universalem, quam ferrum, & quæ ex ferro parantur; hujusmodi enim, quod omnino stiptica sunt, haud minus quibusdam conferunt obstructionibus, quam aliis nocua existunt : Ast aquæ minerales humido suo, obstructiones duriores & compactiores proluunt, & humectant; spirituque volatili in humido aqueo vecto, intimos penetrant obstructionum recessus & referant. Hisce motus, ægrum superius memoratum, ex phthisi pulmonari summe scorbuticum, & macie fere aridum, ad aquas nisi Aberbrothicensis, quæ si curam omnimodam non perfecere; ægrum tamen desperandum meliore spe fultum, domum remiserunt. De aquis mineralibus id igitur statuendum, easdem, dum viscerum tonum roborant, immundities pariter in visceribus hærentes, detergere & abluere : quod quomodo, & quibus præstent viis, deinceps inquirendum.

Aquas communes per anum purgare plures experti sunt, si largiori eas hauriant quantitate,

tate; & notum est, aquam ex amne Sequanâ, largius epotam, id vulgo præstare. Nempe vasa Renum emulgentia, ob amplitudinem sui diametri præterlapsæ, in fluento sanguine eatenus persistunt, donec arctioribus cancellis, vasorum mesenterii minimorum inclusæ, validiore eorundem renixu & contractione, per emissaria glandulosa in intestina, & ex intestinis per anum rejiciantur.

Minera ferri, quâ imprægnantur aquæ minerales, tonum villorum ventriculi, & intestinorum roborando, in causa est, quod largiorem quantitatem innoxie hauriant Homines, hujusmodi fontium, quam quæ aquæ communis simul haurire innoxie liceat. A communi nempe largius epotâ, villi enervantur, & nimio humido immerfi, flaccescunt, & colicos pariunt dolores. Ab aquâ igitur minerali largius haustâ, existit in gurgite sanguineo quantitas feri, compagem sanguinis fibrosam nimiam proportionem excedens. Distenta inde canalium latera, versus seinvicem denuo nituntur, (ut in prima dissertatione explicatum) & quidquid feri superfluum est, quâ datâ portâ per vasorum rejicit emissaria, seu per corporis protrudit emunctoria.

Hinc constat, aquas minerales neque purgare, neque diuresin movere, quemadmodum quæ sanguinis unionem, seu nexum
inter

inter limphamet fibras & solvendo operantur, quod præstant Medicamenta evacuantia proprie dicta. Insigne inde fontium medicatarum commodum, præ aliis medicamentis evacuatione operantibus, quippe quæ sanguinem solvendo, ut præsens subinde afferunt levamen, tamen sæpius corporis habitum debiliorem reddunt. Verum Aquæ minerales, ut liquet ex dictis, dum obstructions resolvunt, tonum villorum & sanguinis roborant, eundem commixtione intimâ, a noxiis abluunt inibi hærentibus, denique immunditiem quamvis, extra corpus secum auferunt.

PROPOSITIO QUARTA.

An Aquæ minerales propria sint Hecticis & Phthisicis medicina?

NOtum est, accessum, seu paroxysmum febris hecticæ, a cibo comesto præcipue fieri, chylo cum sanguine commixto: vel si sit febris putrida hectica, in fine Phthisios confirmatæ, ab evomitione materiæ purulentæ, ex pulmone, cæterisque visceribus in vasa sanguinea. In primo casu, vulgo dicunt, chylum sanguini hætenus conflagranti, novum addere fomitem: Verum istud metaphoricum duntaxat existit dicendi genus. Revera, Textura sanguinis fibrosa seu

seu balsamica compages fracta, quemadmodum fit in omni sanguinis colliquatione, chylum adhuc acrem & rudem involvere, & in compagem suam unionem exquisitâ recipere non potest, ita ut innocue transeat poros vasorum minimos, cordis præcipue villos, & nervorum principia, quin & hæc & illos rigidâ suâ acredine vellicet, unde stimulo irritati, motus suos plus minus ingeminant, pro vi stimuli, & febrem faciunt, quæ eatenus durat, donec quidquid chyli, commixtionem cum sanguine renuit, per emunctoria præcipue corporis habitum sudore rejiciatur. Idem de febris putridæ hæcticæ paroxysmo dicendum, hoc tamen discrimine, quod sanguis jam majorem subeat colliquationem, & pus obstinatius, imo omnino commixtionem cum sanguine renuit. Verum subinde sanguinis compages omnino sana est, & integra; ob debilem tamen viscerum tonum, seu obstructas ventriculi & mesenterii glandulas, per quas chylo transeundum est, & in quibus novos suscipere destinatur elaborationis gradus, justam non suscipit concoctionem, neque unionem init cum sanguine in se licet sano, qualis ad functiones animales innocue peragendas requiritur. Unde idem omnino & inde incommodum; & sive sit vitium sanguinis chylo innocuo, sive chyli sanguine integro, commixtione utriusque debitâ negatâ.

negatâ undique fit febris.

In casu jam proxime dicto, aquas minerales propriam esse Medicinam, ex omnibus patet prædictis, & sublatâ causâ effectus tollitur, unde contra vulgi sensum mulierculam unioem pallidam, palpitatione cordis, appetitu prostrato, febre a cibo comesto hectica, corporis atrophîâ &c. hujusmodi laborantem ad aquas nostras minerales remisi, atque sanam domi reducem obtinui.

In primo casu proposito, si morbus adhuc hæreat inter primos hecticæ gradus, & ex symptomatis pateat, sanguinem, haud multum hætenus colliquatum, tuto cum successu exhiberi poterunt Aquæ minerales, quibus utique pulmones seu cætera viscera ab immunditie eluuntur, eorum tonus energatus restituitur, & contra influxus quosvis præternaturales roborantur, sanguinis coagages firmior & magis redditur cohærens. Demum vasorum villi vegetiores facti, universi sanguinis circuitum ex Arteriis in Venas, nullâ præternaturali evacuatione per vasorum emissaria permiscâ, promovent. Verum si alteriorem morbus jam adeptus sit gradum, & hectica in veram phthisin hætenus terminarit, præcipue si febris adsit putrida, nullus amplius aquis mineralibus locus ob rationes superius traditas. Idque nostratium quædam no damno experta est, quæ ad aquas Aberbro-

F

bro-

brothicenses recens detectas, tanquam panaceam cœlitus datam devector, post aliqualem earum usum deterior facta, vix domum revector, confestim fatum obiit. Unde & vulgi extitit opinio, aquas has morbis hæcticis sine discrimine perniciosas esse.

Ex dictis constat, indigestionem in primis viis sanguine integro, & indigestionem sanguine, innocuis primis viis, eosdem in œconomia animali producere effectus. Unde ratio elucescit, quamobrem urinæ Hæcticorum, Cachecticorum, Eorum, qui frigore suscepti, ut qui febribus intermittentibus laborant, eandem vel similem frigori aliquamdiu expositæ monstrant phasin. Scil. Chylus sanguinis compagi parum combinatus, per glandulas renales cum sero rejicitur; & ejusmodi urina eatenus diaphana & limpida persistit, quamdiu calida remanet: A calore nempe particulæ chyli crassiores a seinvicem segregatæ, in motu detinentur, & in fluido natant imperceptæ; frigido vero accessu, pori seu vesiculæ serosæ constrictiores factæ, easdem fundum versus, pro latiore vel angustiore superficie, plus minus deturbant. Unde sedimentum constituunt vel plane album, vel pro intensiore febris gradu, subflavum, aut lateritium, quoad calori denuo expositæ, limpiditatem denuo recuperent pristinam.

De Hæcticis & Cachecticis res hæctenus pa-

et. (v) Idem de febribus intermittentibus earundem Theoria patescit, nempe chylum cum sanguine parum combinatum, in vasis minimis hærentem, paroxysmos producere febrium intermittantium. In frigore suscepto sive adsit febris sive non, notum est, appetitum maximâ parte prosterni, ob villos ventriculi sero nimio immerfos & flaccidos, unde idem quod in Cachecticis fit. Præterea, ob poros cutis a frigore suscepto occlusos, magna pars feri, quod diaphoresi per eosdem evacuatur, cum immunditie suâ sanguini heterogeneâ, in glandulas renum rejicitur, & earundem opere e corpore eliminatur. Unde sæpius vidi, quo magis sudant hectici, cò urinam mingunt magis diaphanam.

Mulierculæ, Medicorum etiam vulgus, de stomacho undique solliciti, in phthisi magis sollicitos se monstrant, id secum reputantes, quidquid morbo deperditur, a stomacho vegeto redintegrandum. Perversum omnino iudicium! Quippe experienciâ multiplici rectus didici, vix temere aliud Criterion in morbis phthificis, unde de morbi eventu bono aut secus, certius indicare licet, quam appetitum prostratum aut non prostratum, modo tamen plane inverso: hoc est appetitus debilis morbum indicat pariter debilem, saltem qui remediis cedat, vegetus vero mor-

F 2

bum

(v) Vide Joh. Jones *de feb. intermitt.*

hum validum & mortalem futurum. Paradoxum hoc, primâ fronte inexpertis videbitur, minime tamen rationi dissonum est. Primo enim, si radix mali in primis hæreat viis, omnino curatu facilior est, quam si in pectore & pulmonibus originem traxerit. Secundo, detur, mali fomitem in pulmonibus aut viscere quopiam alio hædere: Quidquid noxium in sanguine existit, idem in locum debiliorem rejicere aptius est, ob villos partium debiliores, & tonum enervatum, unde materiæ heterogenæ influxibus minus resistit. Pulmo igitur, universam sanguinis immunditiem recipit, & sustinet, stomacho interim integro, & malum inde deterius fieri per se patet. Verum si quâvis ex causâ major vel minor mali pars, motu naturæ critico, in stomachi glandulas cadat, prostrabitur sane appetitus; Ast regio corporis magis principalis, & vitæ proximior, tantum sublevarur, quantum ventriculus oneris fert. Igitur quo magis in pulmonum affectibus prostermitur appetitus, eò minus ex morbo periclitatur Æger, ni saltem naturâ a morbo nimium devictâ. Idem in universum succum & sanguinem, radices hæctenus egerit, ita ut quaquaversum labem suam sternat; unde ventriculus prostratus, ejusmodi erit signum in morbis phthisicis, quale gutturis dolor diarrhoeæ

diarrhœa colliquativa, pedum inflatio œdematosa, & hujusmodi mortis imminētis indicia.

DISSERTATIO QUARTA.

De Mercurio.

Mercurium, a Medicorum filiis, in universum ante annorum sæculum damnatum, tanquam venenum nefandum, Empiricis debemus & Barbitonsoribus. Testis est (a) Fernelius, Medicus primæ notæ, cujus tamen doctrina tanti sibi non erat, quin in Mercurium tanquam vitæ humanæ pestem & carnisificinam, acerrimis invehat verbis. Verum, præjudicium de Mercurio susceptum, jam ere superavit Medicina, & lites potius de ejus operandi modo moventur. Chymici plures, rem faciunt, spiritibus Acidis & Alkalinis, quorum alterutrum utique, pro modulo suo quisque, Mercurii *Mercurium*, seu genium habent. Alii capulum duntaxat, seu rotæ axin sali corrosivo volunt. Nullum nihi negotium, neque in his neque in illis refutandis. Id deinceps evincere conabor, Mercurium in menstruo plus minus commi-

nutum, fortius aut debilius operari, quæ sphærulæ, in quas duntaxat dividitur, solutione fiunt minores aut majores. Reliqua horum confectaria sunt.

PROPOSITIO PRIMA.

Mercurius ultimâ divisione semper sphæricus persistit.

Mercurium, corpus fluidum ponderosissimum, in moleculas sphæricas duntaxat divisibile, & nudo oculo patet, & ultimâ divisione in Mercurio sublimato corrosivo (cujus particulæ nudum suffragant oculum) microscopii ope perspicuum est. (b) Boyleus quidem, contrarium facere solebat, præcipitato, suo modo parato. Verum, unica sublimatio, pristinam demonstravit Mercurii formam. Neque aliunde intelligere est, qui Mercurius, pondere adeo insigni in Alembico ascendat, facili satis igne nisi quod moleculas ejus ob figuram sphæricam, ignis pluribus attingat superficiebus, quam si aliam quamvis obtineret figuram quippe ex mechanicis notum: Quo pluribus corporis superficiebus, fluidi, in quo vehitur, impingunt particulæ, eo cæteris paribus

(b) *Hist. Fluiditatis & firmitatis, Part. 2. sect. § 38*

bus, facilius, velociori, & validiori motu, corpus ejusmodi a fluido propelli.

PROPOSITIO SECUNDA.

Mercurius majore salis copia, viribus paribus, subtilius comminuitur, quam minore. Quo vero subtilius comminuitur, seu solutione fiunt minores ejus moleculæ, eò fortiores edunt operationes Medicas.

SI V: G: ad dissolvendum exquisita divisione Mercurii ʒj requirantur, seu opus sit sp: nitri optimi ʒij; si eandem Mercurii quantitatem in ʒj spiritus dissolvas, in moleculas dimidiâ proportionem majores, hac ratione dissolvetur: quippe, per se patet, corpus quodvis eo minutius in menstruo dissolvi, seu subtilius comminui, quo fortius existit menstruum solvens. Verum ex intimiore solutione, seu comminutione, intensiorem fieri operationem Medicam, duplici præsertim constat ratione. Primo moleculæ Mercurii quo minores sunt, eò latiore pro molis ratione obtinent superficiem; constat enim ex Borelli demonstratis, (c) In serie continuâ Arithmetice proportionalium, termini minimo propiores decrescunt, majore proportionem quam remotiores. Pluribus igitur con-

F 4

tacti.

(c) De motu Animal. Pars 2. Prop. 39.

tactibus a fluido sanguineo impulsæ, celeriorer propelluntur motu. Secundo, minimæ Mercurii moleculæ, in ultimos corporis recessus, & vasa omnium minima, accessum & ingressum obtinent, crassioribus, seu quæ majoris sunt molis, negatum, unde patentiorer tramite ex Arteriis in Venas, grandiores nempe, rectâ progrediuntur.

Hinc constat, quamobrem Mercurius prima vice sublimatus, altero aut tertio granco exhibitus, plura & vehementiora in corpore animali præstat, quam plurima sublimati dulcis grana. Vulgò id attribuunt Saliacido corrosenti: Sed primò, pauculum omnino est sp: acidi, in quantitate dictâ Mercurii corrosivi, & quod in aqua vel alio quovis liquido solutum innocue haurias. Secundo, si Mercurium corrosivum in aqua dissolvas, & oleo Tartari præcipites, fit pulvis gryseus, quem Turpeth minerale Memfighi vocant: hujus gr: vj. aliquoties expertus sum, antehoram unam aut alteram, ptyalismum, sudorem copiosum, & unâ corpus sursum & deorsum valide movere: Tamen quidquid est sp: acidi, videretur à liquore Alkalino omnino fractum & enervatum. Præterea, & hi non sunt effectus salis corrosivi: quare non spiritui Acido, sed Mercurio, subtilius a fortiori & largiori menstruo, comminuto, hujusmodi tribuenda. Et hinc certe Mercurius tertiâ
ub-

sublimatione dulcis, blandius operatur decuplâ aut vigecuplâ quantitate, eò quod triplâ proportionem, Mercurii quantitas, menstruo jam largior est, quare haud tantum comminuitur Mercurius, & ea ratione omnino debilius operatur.

Ponderi Mercurii, in re medica parum tribuo. Gravitate quidem specifica sanguinem superat; verum in ejus fluente defertur. Vis nempe motus sanguinis, Mercurium propellentis fortior est, quam excessus gravitatis specificæ Mercurii, præ gravitate sanguinis. Quin & analogia Mercurii operationibus, videtur operatio oleorum corporis lævissimi Medica. Olei nempe molculæ minimæ, vel nudo oculo vel microscopio observabiles sphericæ sunt, saltem ad figuram sphericam maxime accedunt, & quæ de olei ramis philosophatur vulgus, hypothesis est, nempe id volunt ut intelligant, quamobrem olea in mutuos ruant amplexus, vel aliis adhæreant corporibus contiguis. Sed & Mercurius in mutuos amplexus omnium fluidorum avidissime ruit, quem tamen ramosum esse, nullus hactenus imaginatus est, & si contiguis corporibus non adhæreant, id ex ponderis diversitate omnium maxime insigni intelligitur. Hinc ratio petenda, quamobrem olea chymica, præ alio quovis medicamine, tollant dolores colicos, flatus, & tormina a viscido

in intestinis hærente. Experimentis etiam probavit (d) Bellinius, Ol: commune omnium liquidorum facillime subire cutis poros, modo a calido in motum cieatur. Ex hypothese tamen rem explicuit. Reverâ, molecule olei sphericæ, ut pluribus superficiebus a calido attinguntur, ita minima superficie contigua attingunt, & plures cum iisdem mutantur contactus, ut ratione figuræ per se patet: unde cæteris paribus, vel per aditum plus minus patentem, ut cutis glandulas, facilius permeant; vel obicem loco mobilem, ut viscida in intestinis, faciliori penetrent operâ, quam alterius figuræ quævis, cæteris paribus.

Unum amplius restat ex propositione confectarium, nempe quodvis salis genus Mercurium dissolvere; unde & balsamo quovis naturali commode paratur, ad usum internum. Ventriculi etiam & intestinorum salis Mercurium crudum subinde dissolvit. Quare & in scorbuticis sanguine falso præditis, vehementius sæpius furit Mercurius, atque eâdem ratione cautiore manu hujusmodi ægris administrandus.

PRO-

(d) *De venæsectione Art. de Balneis.*

PROPOSITIO TERTIA.

Mercurius immediata operatione sanguinem solvit, atque fluidiorem reddit lympham.

QUO minore superficie, & pluribus contactibus, corpus quodvis in motu existens, in aliud corpus quiescens impingit, eò facilius, illud hoc penetrat, vel per ejus planum permeat, quemadmodum videre est, globum cujusvis materiæ, in planum projectum, ad angulum cum plano ob-
rufum, celerius & ulterius progredi, quam si idem numero globus, in aliam quamlibet fabricetur figuram, quæ majore superficie, & paucioribus contactibus in planum impingat. Hinc sequitur, corpus sphæricum in fluido vectum, facilius cæteris paribus, obicem quamvis penetrare, vel loco movere, quam idem aut aliud corpus, in aliam quamvis figuram fabricatum: Præterquam enim quod minimâ superficie obicem attingit, obfortiorem etiam ex multiplici ratione fortuitâ, fluidi impulsu, ex unâ, quam ex altera parte, rotando procedet; inde haud minus in obicem arietabit, neutiquam vero loco hærebit, ut patet exemplo de globo in planum projecto. Atque hinc plura corpora sphærica in motum posita, plures mutant
con-

contactus, vel inter se vel cum aliis corporibus continguis, quam cujusvis alterius figuræ corpora, eò quod pluribus superficiibus se mutuo tangant. (e) Ex geometricis vero notum est, haud minus tredecim corpora sphaerica, simul attingere posse unum ejusdem figuræ & magnitudinis, in medio positum.

His positis, constat, Mercurium, ultimâ divisione sphaericum, sanguini atque reliquis corporis fluidis solvendis & comminuendis aptissimum; globulorum nempe Mercurii circumgyratione & mutuâ collisione intime conquassantur fluidorum moleculæ, & sæpius mutant contactus, unde totius compaginis consequens est solutio & fluor: atque eadem ratione, obex quælibet in vasis hærens minimis, loco pellitur. Neque minimum rei conducit canalium motus oscillatorius seu contractilis, in vasis minimis præcipue, in quibus Mercurii moleculæ angustiore loco occlusæ, atque renixu vasorum ab extra conquassatæ, intimius premunt fluidum, in quonatuant, & fluidius reddunt.

Ab hæcticis igitur, & quorum sanguis fluore nimio peccat, exulare debet Mercurius, & si symptomatum ratio remedium omnino postulet, cautus agat Medicus.

PRO-

(e) Vide Gregorii *Astronomiæ Physicæ & Geometricæ elementa*. Lib. 2. cap. 20.

PROPOSITIO QUARTA.

Rationem exponere evacuationum, quæ a Mercurio fiunt.

SIVE ab ovo fiat animal, five prorsus jam formatum, a mare in uterum decidat; ex utrolibet, pari ratione consequens est, non solum solida five canales in integrum hætenus fabricatos; verum etiam fluida, ab opifice, vel ante conceptum, vel a primis conceptus exordiis, in motum posita, fluidorumque secretiones quaslibet, in motus sui determinationes; five hoc fiat mediante pressione undiquaque, fluidi diversi indolis, five gravitatione uniuscujusque fluidi in semet ipsum: unde liquet, fluidum corporis quodvis, sequi motum fluidi ejusdem indolis & sibi congeneris.

Quo posito, si a Mercurio ita comminuitur, seu solvitur sanguinis compages lymphatica, ut texturâ & consistentiâ assimiletur fluido per intestinorum glandulas fluere solito, dejectio fiet per anum, si stomachi liquido, fiet vomitus, si oris & faucium, salivatio, si habitus corporis, sudor: si vero mercurii ope, tanta fiat sanguinis seu lymphæ comminutio, ut semitam uni liquido tritam, tota simul incedere non possit, tum non amplius per

per unum rejicitur emunctorii genus, sed undique per plura, vel pro gradu operationis ulteriore per universa corporis emunctoria. Huc accedit, lympham sanguineam, totam simul fere solutam, non in unius generis liquidum, sed diversa omnino comminui; unde quælibet ejus moleculæ, motum sequuntur molecularum sibi congenerum, in motu præcedentium, & per emunctoria sibi trita rejiciuntur. Verum aliquamdiu, moratus in sanguine Mercurius, assiduâ conquaassatione, lympham reddit spumofam, quemadmodum, si agites ovi albumen cum globulis plumbeis, quibus aucupes in avium venatu utuntur; indole igitur ad salivam maxime accedit, quare & viam petit salivæ tritam, & salivatione terminatur.

Si cui minus arrideat hujusmodi rei explicatio, is secum perpendat, poros diversimode fabricatos & fermenta, quæ imaginati sunt Medici, funditus a (f) Pitcarnio profligata, ut alia omnino secretionis animalis indaganda sit methodus, quam simplicissimam, ni fallar, ex natura proposui. Id solum ulterioris intelligentiæ gratiâ addere libet. Partes universæ corporis, spermaticas dictas, succis nutritiis sibi propriis; neque villi musculares aluuntur succo osseo, neque membranarum chymos crescunt parenchymata. Pariter, partes hæc, quem-

(f) *De circulatione sanguinis per vasa minima.*

quemadmodum liquida, in continuo existunt fluxu, neque pori adsunt propriis succis recipiendis & alienis rejiciendis. Quid igitur est, quod succos hos, in canalibus maximis, cum cætero fluidorum gurgite confusos, in partium dirigit meatus? Vel cum tota pars in continuo existat fluxu, fluxum hunc, in una motus determinatione perseverare faciat, ni id a naturæ primordiis constitutum sit, fluida quælibet sui generis fluida, a tergo premere & motu sequi. Causam causæ non explico: id duntaxat Medico incumbere ratus, ut quid natura faciat aut ferat, rite dignoscat; non vero quamobrem. (g) Neque aliunde credo mirandas rerum sympathias intelligere datur, (h) neque cuiquam serio rem perpendiculari, paradoxum videbitur, universam rerum naturam in semet gravitare. Si quæras quomodo? Respondeo, quo modo natura fabricata est.

(g) Vide Digbei *Philosophiam*. Vallemontii, *Baguette divinitaire*. Du Hamel *Hist. Acad. Scient. Art. de fructibus a frigore restituendis*.

(h) Vide *Dissert. primam*.

PROPOSITIO QUINTA.

Si morbus aliis remediis non cedit, & Mercurio opus est. Idem, modo vires ferant, ad justum ptyalismum gradum exhibendus; neque interesse, an plus aut minus sputetur Aeger, modo tramite non interrupto, soluta per glandulas salivales evacuentur.

MOrbi obstinationes sunt, qui in arctioribus corporis hærent angustis. Pariter quo diutius in corpore moratur Mercurius, eo intimius sanguinem comminuit, & ulterius in meatus penetrat canalium arctiores, quibus non fit aditus aliis remediis, saltem, eadem nimis debilia sunt, obices angustis dictis hærentes, loco movere: Quare si Mercurius proprium sit morbo remedium, & vires naturæ ferant, catenus in operatione persistendum, donec pateat, morbi causam sublatam, i. e. ad justum ptyalismum gradum.

Verum aut plus aut minus spuit Aeger, pro corporis diathesi, & morbi phasi, quæ infinitis modis variant. Quare idem omnino de ptyalismo, quod olim de Altit dejectione statuebat Hippoc: non quanta sed qualia: i. e. quæ morbi causam & symptomata tollunt.

Ni

Ni saltem caput petat, aut motu naturæ contrario, ad intestina ruat. Eadem quippe utriusque evacuationis ratio.

Historiam proponam, unam & alteram, ex quibus dilucidior ratione, experimentis fulciat, res pateat.

Viro XXX. circiter annorum, habitus corporis satis repleti, viscido-phlegmatici, doloribus rheumaticis vagis tentato, exhibui sensim Merc: dulc. ℥iiss; ptyalismus inde fiebat ad dies quatuor decem: Lib. iß undies spuebat phlegmatis crassi; dolebant interim gingivæ, intumescabant, & nigredine foedantur aliquali. Decimâ quintâ circiter ptyalismi nocte, irrequies primo factus, ex delirio incongrua vociferare incipiebat. Una aut altera purgatione, cum sol: auri & floribus sulphuris, a morbi & remedii symptomatis unâ liberatus est.

Mulieri ejusdem propemodum ætatis, ex obstructione lochiorum & deinceps mensium de lue venerea etiam incidebat (suspicio) rabie elephantiacâ foedâ, cruciatibus intolerandis comitatâ, laborabat. Unde macies etiam, foeminam suapte tenuem, conficere minabatur. Post remedia classica incassum tentata, ipsum etiam Mercurium per epicran exhibuit, frustra pariter, Merc: dulc: iß die uno & dimidio altero exhibui. Inde ad dies decem ℥vj & viij pituitæ tenuis

G

indies

indies sputô rejiciebat, nullo consequente symptomate pravo, nisi quod finem versus, debilitatem artuum, ut neque surgere neque loco stare posset, patiebatur. Eâdem methodo, interposito lactis usu copiosiore, liberata est, & scabies cum symptomatis evanuit.

En primo discrimen conspicuum, inter operationem Mercurii in sanguinem viscidum, & eandem in sanguinem tenuem. Rem auget discrimen quantitatis Mercurii, plusquam unâ dimidiâ parte minoris, unde fiebat evacuatio major; tum etiam corporis habitus repletus, in primo casu, tenuis vero & naturâ & morbo in altero.

Secundo, Ægra nullo tentabatur Capitis symptomate, aut alio quovis incommodo, in salivæ profluvio, una fere dimidia parte plusquam solito: A dimidiâ tamen minùs, salivæ copiâ rejectâ, gravia Æger patiebatur capitis mala. Nimirum in secundo casu proposito, fluida soluta libero tramite, per glandulas fluebant salivales. In primo vero ob viam per glandulas impeditam, eadem caput petebant. Atque idem prorsus de fluore albi dysenterico, a Ptyalismo interrupto, augendum.

Tertio, Incredible fere videbitur? Mulierem naturâ tenuem, & morbo pene confectam, decem diebus plusquam sexaginta ptyalivitæ libras rejecisse. Sed rem gestam narro nequ

neque ex conjecturâ, sed mensurâ adhibitâ, computatio facta est; liquet inde, Mercurium, non in sanguinem duntaxat, in vasis majoribus existentem operari, (cujus integra quantitas ad $\frac{1}{3}$ dictæ quantitatis vix accedit) sed in intima corporis penetralia & recessus ultimos penetrare, in quibus liquida resolvit eadem operâ e corpore rejicienda.

Quarto, Mercurium meliora præstare ad justum perductum ptyalismum, quam eundem minutim exhibitum, aut ab operatione interruptum. Semel aut bis, Mercurio exhibito, ad unius aut alterius diei ptyalismum leviozem ægram perduxî, deinceps eundem per alvum derivandum curavi, nullo Ægræ commodo, justo autem excitato ptyalismo, omnino liberata est. Quare interrupta a purgantibus Mercurii operatio, modo justam natura ferat, minus indicationi Medicæ convenire videtur. Hinc enim naturæ motus interturbatur, lymphæ comminutio justa, quam tamen præ se fert Medicina, præpeditur, & alvi dejectione plenior ad ptyalismum sistendum requisitâ, æger in casum debilitatur, & viribus fatiscit.

Quinto, Quod obiter noto, vulgi opinione perhibetur, Mercurium ad ptyalismum perductum, fermenta, quæ dicunt, corporis destruere. Ego in Ægrâ dictâ expertus sum, obstructionem mensium obstinatam biennium

ad minimum persistentem, a ptyalismo instituto medicatam.

PROPOSITIO SEXTA.

An, & quâ ratione, corpus præparandum sit, ut Mercurii operationibus fiat idoneum?

SOlenne apud Medicos est, ante Mercurium ad ptyalismum exhibendum, venæsectione, purgatione, & aliis hujusmodi universalibus dictis, corpus lustrare: tanquam si Deus quisvis, hospitio recipiendus esset, aut Cacodæmon exorcismo rejiciendus. Mirum sane, ita parum Hominibus nota esse, quæ Arte profitentur, ut non agant, quod norunt, sed ideo agunt, qui non norunt; quippe ab ignota Mercurii operatione incommoda nesciunt, quæ chimerice ab ejus verentur usu, quæ ut caveant, verum subjiciunt Ægros incommodis. Et cum unum cum a nimia Mercurii operatione incommodum sit debilitas nimia, ante Mercurium exhibitum S: A: malo viam sternunt, & ejusdem causam præposterâ evacuatione augent.

Mercurium, corporis comminuere & solvere fluida, ex omnibus constat de Mercurio dictis. Fluida igitur solvenda sunt, aut necesse fuit

sunt solvenda; si solvenda, non alia ratione intimius solvuntur, quam mediante Mercurio; si gradatim aut leniter solvenda, gradatim exhibeo Mercurium, aut apparatus ejus leniorem. Si Mercurium non ferat Æger, omnino a Mercurio abstinendum. Ego plane ita stupidus sum, ut quid sibi velit solennis hæc præparandi ratio, prorsus ignorem.

Minime tamen rationi dissensionum arbitror, corpus Mercurio idoneum reddere, quemadmodum alvus durior purgationi commodo redditur aptior, Oleo nempe aut butyro infuso copiosius devorato, unde intestina lubrica & solutiora fiunt; neque dubium, si gingivæ & glandulæ salivales decoctis & fumigis emollientibus & aperientibus, masticatoriis, & aliis hujusmodi, molliores & aperiores inter Mercurium exhibendum redderentur, quin salivatio justiore & faciliore procederet modo, majore etiam naturæ commodo.

PROPOSITIO SEPTIMA.

Quâ ratione, a nimia vel perversa operatione retineatur Mercurius, atque ex corpore eliminari possit?

Mercurio edomando aurum propinant Medici; nempe alexipharmacum habent omnium præstantissimum. Ego
G 3
fanc,

fane, aurum existimo pauperiei potius quam Mercurii antidotum. Verum inquirunt: Mercurius cum auro facile amalgamatur; sed non minus facile credo cum argento, stanno, aut plumbo, amalgamatur, iisdemque eadem adhæret facilitate. Præterea, ut aurum figat Mercurium, seu a motu cohibeat, aderit, opus est, utriusque cum pressione contractus. Supponantur igitur in sanguinis fluento, & reliqua compage corporis fluida, Merc. $\text{z} \text{ij}$ plus minus: exhibeatur fol: Auri $\text{z} \text{ß}$ aut circiter. Neutiquam fane capax est auri quantitas Mercurium dictum amalgamandi. Pariter, Mercurius æquo modo divisus in fluido natat haud minus sexaginta librarum, (si duplicem diceres quantitatem, vix extra oleas esses, neque enim de canalium majorum fluido fit sermo) in vasa numero infinita distributo. Quâ igitur Arte magicâ, in tanto spatio, & intercapedine fluidâ, in mutuos undique ruent cum pressione contractus Merc: & aur:

A floribus sulphuris, mira sibi alii spondent. Nimirum observant in æthiope minerali conficiendo, Mercurium a sulphure figi, & blandiorem reddi, ut nulla evacuatione sensibili operando notetur. Et hocce commentum eadem refellitur methodo. Corporis animalis vasa, vasorumque distributio infinita, & undique pervia, haud videntur mor-

tarium, pinfandis Mercurio & sulphure idoneum. Sæpius quidem ad Mercurium sævientem cohibendum, sulphur exhibui, semel duntaxat quid præstare potest nitide expertus sum. Mulieri superius memoratæ, noctu exhibui fl: sulphuris ʒj, die sequenti ʒiij, totidem vicibus: unde ardor totius corporis cum siti exquisitus, ne hilum tamen remittebat ptyalismus, neque aliâ ratione, quàm lacte copiosè propinato, deinceps etiam purgato corpore, & Mercurii & sulphuris, una evanueresymptomata. Lac igitur, aut quidpiam lacti analogum, balsamica etiam atque glutinosa, ut decocta emollientia, hausta quantitate moli sanguinis proportionata, sola hæctenus novi, quæ Mercurio frenum indunt, ejusdem moleculas involvendo, sanguinis compagem nimis laxam & fluori aptam, in tenaciorem restituendo, & magis compactam; unde naturæ viribus sensim debellatur, aut Arte e corpore rejicitur. Eadem didici ratione, lac subinde pro potu ordinario, durante ptyalismo propinare, quod probe cedit. Verum id minime supponendum, Mercurium integrâ, quâ devoratur, quantitate, ad ultimum ptyalismi gradum, in sanguine reliquaue fluidorum mole persistere; quin procul dubio admodum cujuslibet alterius medicaminis evacuantis, e corpore cum humorum saburra evacuatur, plus minus. Id potius

tius statuendum, fluida soluta post Mercurium magnâ parte rejectum, eandem instituere motus sui determinationem, atque eodem progredi cursu, in quem mediante Mercurio a principio posita sunt. Quare

Purgantia (blandiora omnino intelligo) supremam in dato casu ferunt operam, non tam quod Mercurium, ad alvum derivatum dejectione rejiciant, quàm quod fluidorum motum, nimio impetu aliorum derivatum, ad alvum ferant, unde interpositis præcipue medicamentis alterantibus, tota fluidorum moles statui redditur pristino, quod indies in cujusvis generis derivationibus, evacuatione præstitis, observare pronum est, & probe a (i) Bellinio explicatum.

(i) *De missione sang.*

PROPOSITIO OCTAVA.

An & quatenus, Mercurius systemati nervoso conveniat, aut non conveniat?

Mercurium nervis inimicum, proverbio tenus, dudum inter Medicos receptum; neque ignotum, artifices, in Mercurio tractando occupatos, affectibus spasmodicis sæpius tentari. Attamen affectuum

ctuum cerebri antidotum, hodierna fere recipit Medicina. Idem igitur medicamentum, ad eundem morbum, bonum est & malum, noxium & utile; ni saltem exponerent Medici, quâ morbi circumstantiâ, aut Ægri temperaturâ, conveniant aut secus: Verum ad hæc hæctenus silent.

Affectuum spasmodicarum causam immediatam, esse nimiam corporis aut nervorum inanitionem aut repletionem, ex dissertatione de Opio patebit.

Liquidum nerveum nimis vel viscidum, vel fluidum, affectibus his obnoxium, ex eadem etiam facili patebit opera. Id impræsens advertendum, liquidum naturali viscidius, in cujusvis generis canalibus hære aptum esse. Id autem in unâ potius, quàm aliâ multiplici contingit causâ; ex canalibus obstructione, fit liquidi aliorum reflexus, ex reflexu convulsio.

Mercurii operationem primariam, & immediatam, esse fluidorum corporis solutionem, ex omnibus constat, superius de Mercurio dictis.

Quare si præ viscido nimis liquido nerveo, inæquali modo in nervos influat, ita ut iidem ex una parte, nimium repleantur, seu ex altera inaniantur, Mercurius liquidum viscidius comminuendo, radicem mali præcideret, & sublatâ causâ tollitur effectus.


E contra, si inæqualis fiat liquidum nervi influxus, præ nimio ejusdem flore, malum fomitem augebit Mercurius, & symptomata reddet deteriora.

Demum si ex animi affectu, stimulo, aura vel odore spirituum deleterio ad stimulum referendo, fiat affectus, ni aliunde sumenda indicatio, (quemadmodum fit in affectibus convulsivis, a vermibus in pueris præcipue)) neque nocet Mercurius neque prodest. Hæc enim ut Mercurius, operatione immediatâ non attingit, neque ad unam corporis diathesin præ alia spectant. Ni igitur Ægri vires Mercurio nimio exhibito prosternat Medicus, aut morbo in cassum præbeat inducias, Mercurio exhibito famæ propriæ pejussimè consulat quam ægro.

Ex dictis patet, cerebro & nervis primariè affectis minime convenire Mercurium, ex prava corporis diathesi convenire aut fecus, pro diversâ ægri temperatura.

DISSERTATIO QUINTA.

De Opio.


 Uantum ob Opio metuerit vetus Medicina, demonstrant ejus præparata Antiquiora, Philonia, Diascordium, Theriaca. Enimvero Opium ultimo gradu frigidum arbitrati, admixtis calidis corrigere nitebantur. Quin & datâ operâ, sensui fidem negabant. Unde (a) Fernellus pro concessio habet, Opium naturam suam, a primis qualitatibus, minime obtinere. Hodie etiam licet minori apparatu, ad idem tamen institutum Opium parant Medici; neque tutum satis habent, usui interno, ni cum castoreo, & croco, corrigatur. Haud quidem diffiteor, pessima subinde ab Opio consequi symptomata. Neque secus tamen, a vino generoso fiunt Homines, fatui furibundi, atque prorsum deliri. Nempe aut semel, aut vina haud probe subinde norunt. Allium apud veteres famosissima extitit Medicina. Inter luxus etiam condimenta usurpabant Divitiores: Tamen Horatius, allio inter Mecenates epulas comesto, male mul-
 ctatus

(a) *De abditis rerum causis Lib. 2.*

Etatus est, quare & integro (b) carmine satyrico, innocuam radicem tanquam venenum infensissimum, ex inferis allapsum, diis vovet execrationibus. Vires Opii diaphoreticas primus notavit (c) Etmullerus: (d) Pitcarnius operandi modum, ex rei natura aggreffus est: Ego Pitcarnii inventa, ulterius prosequi annis sum. Opium præ reliquis quolibet medicamine, sanguinem, atque reliqua corporis fluida expandere, atque ex fluidorum expansione, omnem ab Opio consequi effectum, deinceps demonstrare conabor.

(b) Parentis olim, si quis impiâ manu,
Senile guttur fregerit;
Edat cicutis, allium nocentius &c.

(c) De vi Opii diaphor.

(d) In dissertationibus.

PROPOSITIO PRIMA.

Data sanguinis expansione, subsistit liquidum nerveum, & fit somnus.

INter dormiendum sanguinem rarefcere, seu mole expandi, constat ex eo, quod epoto liquore generoso, a cibo comesto potius quam famelici, æstate quam hyeme, calido potius quam frigido corpore, cæteris paribus ad somnum simus procliviores. Huc accedit in somno corpus magis incalescere, pulsantur

pulsus supra solitum attolli & accelerari. Anhelitum etiam intensiorem fieri. Hæc si minus in sanis percipiuntur; nempe quod expansio sanguinis, vix sensui obvia, in statu naturali, somno sufficiat: Ast in Ægris, febricitantibus imprimis, inter dormiendum, haud dubiâ perceptione observare est. Porro in sanis partes sexus virilis genitales, dum somno indulgent, eriguntur, ab influxu nempe copiosiore, sanguinis expansi, in spongiosam membri virilis substantiam. Verum sanguine expando, Arteriæ distenduntur. Arteriæ dilatatae nervos comprimunt decussatim contiguos, fortiori vi, quam est resistentia nervorum, ob firmiorem & arteriarum & sanguinis compagem, quare eorum latera sibi mutuo in contactum compressa, liquidi contenti præpediunt fluxum, in cerebro imprimis, ob laxiorem suam compagem, & duo Arteriarum paria, quibus copiosissimo alluitur sanguine. Patet ergo Prop:

Qui rationem desiderat, quamobrem in nervis etiam functioni naturali destinatis, non præpeditur liquidi nervei fluxus, (e) Willisium adeat de discrimine originis nervorum, animalium & naturalium. Id saltem naturæ apprime congruum videtur, nervos officiis naturalibus destinatos, ab arteriis contiguis liberos existere: unde & in apoplexiâ sanguinea,

(e) *Anatomia Cerebri.*

guinea, libere aliquamdiu respirant Ægri. Interim, dictis minime adversatur, quod in febribus sanguis plurimum expanditur, & tamen febrientes, ni adsit Capitis affectus, obstinatius vigilant. Quippe in febribus liquor quidam a sanguine in nervos secernitur, & nimiam quantitate, & qualitate pravâ, ignem nempe acredine: unde vel nullibi sistitur, vel sicubi, arteriarum impulsu, præpeditur ferociore motu, in partes ruit vicinas, & vigilias efficit: Verum si febris mitior existat, sæpius ab initio dormiunt Ægri; quod non runt, qui inter Ægros versantur.

PROPOSITIO SECUNDA.

Spasmus seu convulsio, & Motus convulsivus, fiunt a nimia inanitione vel repletione totius corporis; immediate vero omnis convulsio fit a repletionem nimia nervorum partis convulsæ.

Supponantur omnes universi corporis canales, justâ quantitate sui liquidi repleti, augeatur subito quantitas: Quod magis, quantitate augetur, aut rarefactione (quæ etiam repletionis est species) expanditur moles sanguinis, eo magis distenduntur canales, non solum majores, sed minores &

minii

minimi, seu glandulæ secretoriæ. Pariter non uno instanti, sed tempore naturæ viribus proportionato, subiguntur recepta in formam fluidis corporis reficiendis idoneam. Unde cum supponatur moles subitò augeri, ut semper fit in convulsionibus a repletionem, truduntur per glandulas cerebri, ultra naturæ modum hiantes, moleculæ nimîâ quantitate, & liquido nerveo heterogenea: idque majore quantitate per glandulas, præ toni debilitate magis patentes: Unde sublato liquidi nervei æquilibrio, pars quævis hujusmodi liquido magis irrigata, in motus destrahitur naturæ contrarios, i. e. convellitur. Verum frequentior ab inanitione convulsio. Quare

Detur canalis trium linearum capax, fluidum, cujus columnæ diametrus est duarum linearum, æquâ facilitate canalem dictum, intraret & penetraret, ac idem fluidum; minore quantitate, seu cujus columnæ diametrus est unius duntaxat lineæ: Quo posito,

Secundo, minuatur moles fluidorum, quæ fiat tertiâ parte minor, quam quæ poterit canales ad naturæ modum constitutos permeare. Integrâ persistente naturâ, canalis quilibet suam duntaxat recipiebat fluidi proportionem, ob resistantiam undique æqualem: Sed resistantiâ jam tolli supponitur unâ tertiâ

tia parte per universum corpus; ergo etiam in cerebri glandulis, liquidi nervei excretorii, & in ipsis nervis: Quare si tertiâ parte magis fluat sanguis, (multiplici autem ratione id fieri potest resistentiâ sublata) ad compagem glandulosam uno nervo destinatam, quam ad aliam quamlibet, vel fiat fluxus ipsius liquidi in unum nervi ramum, magis quam in alium, omnino quæcunque corporis membra, nervo huic appropriata, convulsione distrahuntur.

Tertio, Convellitur corpus, aut corporis membra, stimulo, punctione nervi, odore, aut fumo naturæ dissono, aurâ demum epilepticâ. Constat ex dissert: præactione stimuli, canales nerveos, vires exerere fortius contractiles, atque motu oscillatorio liquida contenta, celeriori motu canales permeare. Major igitur a tergo quantitas sequitur ejusdem liquidi, ob minorem resistentiam: & eâdem ratione fit convulsio. Unde ulterius patet ratio convulsionum a moleculis heterogeneis liquido nerveo commixtis, in primâ propositionis parte. Stimulo quippe operantur.

Verus extitit doctrina Hippocratica, omnigenæ convulsionis existere causam corporis repletionem, aut inanitionem. Rationem dudum explicandam suscepit Bellinius. Magni viri nomen honore, ejus doctrinam si sub-

indee

inde minus placeat, modestiâ, quâ par est, suscipio. Neque tamen diffiteri ausim, cogitata sua de affectibus spasmodicis, sensu, quo polleo, incogitanter nimis prolata. Quippe primo, pro dato habet, nervos totidem quasi chordas, musculos, & ossa tanquam pondera appensa, attrahere. Sed quâ ingenii acie innotescit, substantiam tam mollem, laxam, & tenuem, quemadmodum est nervus, ut nullus in corpore humano reperitur, straminis vulgaris, viribus & consistentiæ æqualis, non solum Artus secum trahere, sed viribus, quæ superant resistantiam, millies maiorem. Secundo, Pro dato etiam accepit inanitionem, vel repletionem, corpus & nervos siccando vel humectando, eosdem abbreviare, quemadmodum funis, vel igne adustus, vel aquâ madefactus contrahitur. Sed primo contra rationem propriam in genere datam, supponit etiam aliquando, nervos humectatione relaxari, & longitudine protendi, unde ex alterius nervi non convulsi parte fit convulsio: sed nullâ explicat ratione, quomodo potius relaxatur, quam abbreviatur, ut e contra. Secundo, suppositio plus quam precaria est, dari ex inanitione calorem in corpore adurentem, quam neque natura sustinet, & si detur hæctici ob inanitiones incontinentes, quam maxime convulsionibus essent innoxii, quod neutiquam fieri, ex observa-

H

tione

tione hætenus constat. Tertio, Detur nervos humido superfluo immerfos, vel abbreviari, vel relaxari, ultra naturæ modum: Verum non fit sermo, de habitu corporis humido sed repleto, a quo, non minus, sæpius, differt diathesis humida, quam sicca. Quarto, Supponatur nervum quemvis, tertiâ parte, quæ sane maxima, abbreviari; igitur tertiâ duntaxat parte motus, cujus est capax, os attrahet appensum: Verum, in convulsionibus, & motibus convulsivis, tantum sæpius convellitur seu distrahitur membrum, quantum sustinet articulationis nexuss. Quinto, Gradatim omnino fierent motus convulsivi, ut gradatim duntaxat, vel exsiccantur vel humectantur nervi: Verum motus hi omniino fiunt subitanei. Demum: In genere humectationem & exsiccationem ponit Bellinius, nullâ tamen explicat rationem, quamobrem nervus unus potius quam alter exsiccatur aut humectatur, ut fiat convulsio, ex unâ potius quam aliâ parte. Universa sane hæc doctrina hypothesein sapit, Homini inæ congruam, & à quâ abhorret Medicina.

Medicamenta antiepileptica dicta, sive Galenica, sive Chymica, calida esse, sive sale acri oleoso foeta existere, communi constat Medicorum sensu, saporis etiam obvium est. Talia vero sanguinem orgasmo exagitant unde rarefit, & mole expanditur. Quare

hujus

hujusmodi in affectibus nervorum, à nimia repletionem, omnino causam mali augment, & morbum reddunt deteriozem. In adultis quidem, sæpius fiunt convulsiones, ex inanitione quàm repletionem, ni adsit febris, unde & Hippocratis prognostica de prima fere extiterem, in quàm quidem Medicamenta, morbo specifica habita, quod volatilia sint, apprime conveniunt: Verum in pueris, & infantibus, res est prorsus alia, quorum affectus ex nimio, præ indigestione infarctu, repletionem prædicant, cui accedens dentitionis dolor, aut prava lactis indoles, Tenellos in convulsiones præcipitat. Et in his quidem, expertus sum, Medicamenta Antiepileptica, ut castoreum, Sal volatile succini, oleum &c. hujusmodi, nihil præstasse boni, quin ex eorundem usu deteriores potius fieri. Idem tamen pauco detracto sanguine, vel præcipue, alvo quovis modo laxatâ, in meliorem statum confestim restituti sunt.

Ex dictis de convulsivis naturæ motibus, facili operâ patet, ex nervorum cerebri convulsione, seu repletionem aut inanitionem fieri delirium; quippe nervo quolibet cerebri, vel nervi principio, repleto aut inanito ultra justum naturæ tonum, latera ejusdem situ dimoventur, unde species iisdem impressæ omnino etiam dimoventur, & aliæ fiunt multiplices, pro multiplici sensorii nervei dimotione,

tionem, & incongrua percipit vel loquitur, i. e. delirat, prout species ab naturæ instituto disturbantur.

Infinita propemodum comminiscuntur Medici, in variis delirii speciebus explicandis; Spiritus efferos, biliosos, melancholicos, vapores a stomacho, ab utero, & nescio quod alia. Willisius tandem, choreas, excubias, Aquas stygias & vitriolicas in scenam produxit. En precariam omnino artem, quæ hypothese nititur; neque quidpiam si, petita dentur, ad morbi faciunt vel cognitionem vel curam. Rem ex dictis magis obviam arbitror, unde & morbus & cura ad naturæ modum concipiantur.

PROPOSITIO TERTIA.

Ex quovis animi pathemate graviore, fit convulsio, vel cerebri duntaxat, vel aliarum corporis partium.

Pathemata animi graviora, lætitia sunt aut mœror, saltem ad ea referuntur, quæcunque gravius animum afficiunt. Lætitia expandi sanguinem, seu rarefactione dilatari patet, ex corporis colore magis vivido, pulsu vegeto, & similibus sanguinis expansi indiciiis. Expanso sanguine dilata-

dilatantur seu distenduntur glandulæ cerebri, liquidi nervei secretoriæ. & ipsi nervi; unde fit fibrillarum cerebri, quibus imprimuntur species, dimotio; & si pro gradu repletionis majori ulterius procedat, cujusvis ad quam allabitur liquidum expansum, partis convulsio. Hæc vero rarius accidunt. Sed Mœrore (quod sæpius fit) sanguinem collabi, seu compage suâ constringi, & mole minorem reddi, indicium constat omnino contrariis; sudore etiam frigido, fero nempe ob sanguinis motum debiliorem, per corporis habitum elabente; calido tamen subinde, sanguine ob interruptum motum fervescente. Unde contraria ratione, minus secernitur liquidum nerveum, quam naturæ officiis par est, & immediatus effectus fit præcordiorum anxietas, fatiscente liquido nerveo in stomachi orificio, interrupto etiam sanguinis per pulmonem motu, ob idem liquidum parcius & debilius in expansione nervea, cordi & pulmonibus destinata. Verum dum parcius secernitur, idque notabili gradu, irregulari modo nervos intrat, & nervorum ramos, ut constat ex superius dictis, & fit partis, ad quam majori copia allabitur, convulsio.

Huc referuntur passiones mulierum hystericae, quæ rarò a corporis habitu, ni accedat animi pathema, sexum sequiorem im-

118 DISSERTATIO QUINTA

perunt. Mirum sanè, quantus apud Medicos de vaporibus est sermo, & quidquid de mulierum affectibus rite aut secus capiunt, vapores fiunt. Interim vapores hi, si Capiti sint, nihil sunt, quam dimotio specierum cerebro impressarum, a nimia vel evacuatione vel repletione fibrarum nervearum, quibus species hæ imprimuntur: Patet enim ex utraque libet causâ, dimoveri fibrillas, & pro varia dimotione varias fieri species, vel antea impressas, vel ipsâ dimotione confestim imprimendas. Si vero extra caput, ad quælibet corporis membra procedat convulsio, tum unius ejusdemque rei, ulterior duntaxat fit progressus: Nihil saltem, per accidens, repletio cujuslibet nervi, exordium sumat a ramuli divaricatione, atque sic capite minime temerato, fiant aliarum partium motus convulsivi.

PROPOSITIO QUARTA.

Si diutius in expansione persistant corporis fluida, fit vel totius corporis, vel debilius partis paralysis.

EX prima dissertatione, constat universi corporis canales, assiduo renixu in fluida agere, ad eadem antrorsum in circuitu propellenda. Verum diuturniore sanguinis

guinis & liquidi nervei expansione, plusquam natura fert, distenduntur canales, atque nimium in tensione præternaturali persistunt, unde tonum admittunt, & elumbes fiunt; neque renixu contractili pares fiunt fluidis, nerveis imprimis per vasa propellendis. Quoniam & fluidorum tonus, haud minus, diuturnâ expansione delassatur, unde & fortiori ratione omnino insequitur paralyfis. Quare minime absurdum est, quod refert (f) Diodorus de Sabæis Arabiæ felicis incolis, quod membris exsolutis, ut plurimum ante juventutem elapsam moriebantur, continuo utique aromatum virescentium, (quibus terra abundat) atque nimis conserto odore cum spiritu hausto. Unde viderint illi, qui quodvis paralyseos genus, calidis & aromaticis medicaminibus curare satagunt, an ægris ritè, an secus perspiciant. Ex dictis saltem constat, quamobrem laborem sequitur lassitudo, alvi pigrities Medicamentum purgans, gaudium effusum mœror, denique nimium Bacchum Paralyfis, seu sensuum stupor. (stupor nempe, est Paralyfis cerebri, & Paralyfis est stupor cujusvis alterius parte.) Quippe, animâ, & diuturniore liquidorum expansione, canales, & canalium villi tono debilitati, tardiùs, vel pro causa graviore nunquam deinceps, officia peragunt oscillatoria.

H 4

PRO-

(f) Hist. Lib. 3.

PROPOSITIO QUINTA.

*Ab Opio immediate , expanditur sanguis
& expanso sanguine , expanditur etiam
liquidum nerveum.*

Constat, Opii substantiam, sine miscella quâvis extraneâ, facile igne, ex arena spiritum effundere oleosum foetidissimum, i. e. maxime volatilem. Hujusmodi autem in sanguinem recepta, notum est, eundem rarefacere, seu mole expandere. Tum etiam re ipsa, ab Opio corpus incalescit, facies tumidior fit, pulsus celerius & altius vibrat, sudor etiam, isque pro corporis diathesi, & Opio exhibito, quam a quovis alio Medicamento copiosior erumpit, neque aliâ ratione, sudorifera famosa, ut Theriaca, & Diascordium, sudorem movent, quàm ob Opium justâ dosi una in sanguinem devectum, Salibus volatilibus etiam, incassum aliquando, molitus sum sudorem prolicere. Rarius autem fallit opium, ni diaphoresi largiori vasa depleat, (g) idque meliore subinde effectu, quàm si sudore proflueret corpus; quæ omnia sanguinis expansi, & rarefactione dilatati signa existunt indubia.

San-

(g) Vide Sanctorii *Medicin. Static. Art: de somno & vigiliis.*

Sanguine expanso, expanditur etiam liquidum nerveum duplici ratione. Primo rarefcente sanguine, quæ mobilia & tenuiora in eodem existunt, magis extricantur a vinculis compagis crassioris, unde facilius per cerebri glandulas in nervos permeant, & liquidum in nervis existens rarefactione expandunt, quemadmodum fit ab epoto liquore generoso. Secundo, Idem de Opii particulis cum sanguine devectis, eadem patet ratione. Novi Hominem a viginti & amplius annis, ob cruciatus ventriculi graves Opio assuetum. Is, ab Opio noctu devorato, die insequenti, temulenti instar, vertigine laborat, & titubabat : tertiâ, verò, universum Hominem, vigor occupat insolitus; haud dubio indicio, Opii ad liquidum nerveum allapsi.

Hinc constat, quàm ineptâ encheiresi, Opium corrigant Medici antiqui aromatis calidioribus, hodie verò, castoreo & croco. Enimvero contra omnem sensum, imaginati, Opium, veneni quidpiam continere frigidissimi, idem calidioribus admixtis debellare aggressi sunt. Verum constat, Opium Medicamentum esse omnium calidissimum : (Idiomate loquor Medicis proprio) viribus igitur, minus calidis quodammodo augetur, nedum fit mitius. Equidem, salia volatilia ob acredinem summam, inani Opio frenum aliquomodo indere, haud prorsus abnuerem :

H s

Quid-

Quidquid vero Opium corrigendo præstant, hætenus præstant, quatenus stimulo operantur.

Deinceps, usum & abusum Opii in morbis, ex hætenus dictis, connexâ dictionum serie, demonstrare conabor.

Primo, Sanguine Opio mediante expanso, seu rarefactione dilatato, distenduntur Arteriæ, & Arteriis dilatatis, nervi imprimis cerebri, in laterum contactus comprimuntur; unde liquidi, qui in nervis est, præpeditur fluxus, & somnus fit plus minus profundus, quo magis a majoribus Opii viribus, Arteriæ nervos seu nervorum principia, functioni animali dicata, comprimunt.

Secundo, Eadem constat ratione, Opium doloribus levamen adferre. Dolor enim est stimuli species, cujus ope, majori copiâ, fluit liquidum nerveum in partem læsam (ut ex prima innotuit dissertatione) unde læsio fit major: Verum, ab Opio Arteriæ dilatatæ, liquidi nervei, in partem influxum præpediunt, & eadem ratione tollitur dolor, aut si altiores egerit radices, saltem aliquamdiu sedatur. Verum, quosvis dolores non tollit indiscriminatum, sed magis aut minus, quo proximior & fortior arteriarum in nervos impetus. Unde præ reliquis odontalgiam, & colicos tollit dolores, illam quidem ob ar-

teriam, a carotide externâ, ramum quinti nervorum paris, per dentium radices concomitantem; hos vero ob ingentem articularum coeliacarum, & meseraicarum copiam, quibus ventriculus & intestina, prorsum quasi operiuntur. Arthriticis autem doloribus fixis, minus confert, quod nullis Arteriis conspicuis, quin (b) liquido unctuofo, perioftia in ossium articulationibus, ubi labes hospitatur, perfusa sunt; ni saltem sudore ab Opio conciliato, egressus labi sternitur, atque hac saltem ratione fiat doloris levamen.

Tertio, Detur corpus ex repletione convulsus; si Opium exhibeat, expanduntur, fluida, & repletio fit major, atque deterior morbus. Hinc, a febribus in statu, aut ad statum vergentibus, si adsit convulsio, omnino exulare debet Opium. Imo licet affectus non adsit, tamen ob fluida hæcenus orgasmo febrili nimium expansa, ab Opio exhibita ulterius expanduntur, & convulsionem inde posse fieri, patet. Verum, si fiat convulsio, ex nimia inanitione, quod sæpius fit, quæcunque liquidorum molem augment, seu rarefaciendo expandunt, ita ut iustâ ratione liquida per canales fluant, morbi causam & morbum tollunt. Hinc in convulsionibus mulierum hystericis, a pathemate quovis animi, ad mœrorem referendo, unde collabuntur liquida, atque in alia qualibet inanitionis specie,

(h) Vide Havers *Osteologiam*.

specie, mira sæpius præstat Opium, eâdem omnino, sed fortiori ratione, quæ madmodum Castoreum, succinum, aut alia quæpiam sunt pellex hysterica.

Quarto, In delirio a repletione, si Opium exhibeas, auctâ sanguinis & liquidi nervei expansione, augetur morbus, quare ratione superius dicta, in orgasmo febrili exulare debet Opium; quo in statu, observavi aliquando, Ægros ab Opio vehementer delirasse. Verum si ab inanitione deliret Æger, expanso ab Opio sanguine, & nervorum liquido, cerebri compages, cui imprimuntur species, ad justum restituitur tonum, & fit delirii solutio. Unde, in febribus nullâ justâ naturæ crisi indicatis, & præ Ægri debilitate diutius protractis, cum præ nimîâ liquidi nervei inanitione, perpetuo deliraret Æger, Opio sensim (ob debiles vires, neque enim confertim sustinent debiles, quemadmodum neque quidpiam generosum) propinato, felix insequuta est morbi solutio. Neque pejorem perspexi successum, in deliriis melancholicis, seu cogitationibus melancholicorum perplexis, & insanis: Imo hujusmodi, prorsum, Diuturno Opii usu, curatos ex misero rerum statu observavi.

Neque alia ratione de vigiliis obstinatis arguendum, vigiliæ enim delirium sunt incipiens;

cipiens ; Delirium vero vigilæ consummatæ ; Quare a causa unde fiunt , de cura prospiciendum , num Opio institui debeat , nec ne.

Quinto , Ex dictis de Paralyfi patet , ex nimio Opii usu , primum fieri in paralyfin lapsum ; quare & haud absurdâ ratione , a sudoriferis in hujusmodi morbo ab Hipp: cautum , ex quibus utique , sanguine expanso , & fluidorum & canalium debilitatur tonus , haud secus , quam ab Opio. Atque hætenus observavi , paralyfin a sudoriferis & calidis copiosius ingestis , sive naturâ sive Arte , deteriore factam. Horum loco , Diuretica supposuit Hippoc: neque temere , modo mitiora sint ; hujusmodi enim Medicamenta , nullo comitante orgasmo , fluida comminuunt , & mobilia reddunt , unde sensim sibi viam per canales expediunt.

PROPOSITIO SEXTA.

Ab Opio devorato , alvus & pectus , quælibet denique secretio serosa extra vasa sistitur , sudore excepto seu diaphoresi.

ALvus eatenus laxa existit , quod intestina , liquido per glandulas suas secreto lubricantur , tum & excernenda eodem liquido humidiora fiunt. Pectus

Etus etiam liberum existit, liquidi Ope per glandulas tracheæ & bronchiorum ad partium humectationem secreti, unde nempe quæcunque in pulmonibus hærent, humido allabente madida, facilius loco moventur. Quæcunque igitur liquida ab alvo & pectore aliorum derivant, & hoc & illam constringunt. Ex dictis autem innotuit, serum a fluidis rejectitium, ab Opio per sudorem eliminari, aut diaphoresin, quare & aliam quamlibet, sistet feri profluvium.

Hinc patet, imo quò magis ab Opio sudant: Ægri, eò profundius dormiunt, quod aliquoties in praxi observavi: Quippe quo copiosior feri, seu lymphæ per habitum corporis evacuatio, eò minori copiâ, per glandulas cerebri, in nervos secernitur; unde nervorum liquidum, præ debilitate requietius, quare & facilius ab Arteriis incumbentibus compressio, & ex compressione proximior, profundior somnus.

Secundo, Evacuationi cuivis, sanguinis licet, ni adsit contra indicatio, subvenire Opium; quippe evacuatione largiore per sudorem aut diaphoresin conciliato, deplentur sanguinis vasa, unde quod reliquum est, quantitate diminutum, ex Arteriis expeditius transit in venas, & sistit evacuatio.

Tertio, Ex dictis constat, quâ ratione adstringat Opium, non quidem operatione

immediatâ, quemadmodum fit a Medicamentis propriâ ratione stipticis: Quin quidquid adstringendo agit, catenus agit, quod fluida corporis aliorum derivat. Tantum vero abest, ut Opium revera adstringat, quin omnino fluxus, qui a sanguine fiunt expanso, moveat. Hinc optimi existit usus in partu & puerperis pellendis. (b) Neque id inter Medicos inexpertum. Egomet Opio puro, nequâ ullâ mixturâ peregrinâ adulterato, feliciter aliquoties rem expertus sum. Neque dolor urgebat quispiam, ut eidem leniendo inserviret, aut inde desumeretur indicatio. Neque mirum, cum haud aliâ, verum fortiori operetur ratione, cum castoreo, borace, & hujusmodi volatilibus aliis, quæ sanguine expanso puerperia movent.

(i) Antonii de Heyden *Observ.* 38. & 39.

PROPOSITIO SEPTIMA.

Quâ ratione, nimia Opii operatio, seu prava ab Opio symptomata præcaveantur.

EX præcedentibus constat, sanguinem & deinceps liquidum nerveum ab Opio expandi, & ab expansione canales ultra diametrum solitum dilatari, seu distendi,
 si

si nimia pro naturæ viribus ingeratur quantitate. Quæcunque igitur canales depleri apta sunt, ut pristinam recuperent tensionem ea sunt, quæ pravis ab Opio symptomatis obviam eunt.

Id autem imprimis præstat venæsectio, unde sanguinis vasa confestim depleta, citiori operâ & nervis opem ferunt. Nempe a pressione arteriarum, nervi liberiores facti, pristinum recuperant tonum, & liquidum contentum motu procedit libero. Pariter, si nervorum principia, ab expansione liquidum distendantur, & fiant capitis affectus convulsivi, iidem, depletis sanguinis vasis, per consequens etiam deplentur, & hoc etiam respectu pristinam recuperant dimensionem, & tollitur affectus,

Venæsectioni succedunt purgantia, quibus etiam deplentur vasa sanguinea, & eadem licet non tam celeri operâ, quæ a venæsectione consequuntur. De Alterutro, id imprimis cavendum, vires naturæ saltem constare, alias pejus forsan erit malo remedium.

Horum vice, Ego hætenus usus sum, primo, clysteriis acrioribus, quæ non duntaxat alvum liberius solvunt, verum stimulo, universos ex continuo, corporis villos plus minus con-cutiunt, unde fluida canalium renixu fortius pressa, quâ datâ

datâ portâ ruunt. Hinc a dolore quovis intensiore, videre est, universum corpus sudore perfundi, nempe, vi stimuli, vasa motus oscillatorios impetu reiterant fortiori, & liquida contenta proximius compressa, per vasorum protrudunt emissaria.

Eadem ratione operantur salia volatilia; neque enim volatilitate, Medicamentum omnium maxime volatile corrigere possunt. Verum, salia hujusmodi acredine insigni prædita, compagem vellicant corporis nerveam, & stimulo concutiunt; unde liquida, canaliculorum motu facilius subiguntur, atque, quod superfluum est, per emissaria rejicitur.

Neque aliâ ratione operantur Epispastica, quorum vires in deliriis, ab Opio, abigendis aliquando miratus sum; cum Æger prima Epispastici operatione, inter delirandum, conquestus, de frigido a sincipite per cervicem delapsu, confestim a delirio sanus effectus. Indicio conspicuo, stimulum ab epispastico, nerveæ cerebri compagi inditum, eandem a nimia liquidi copia deplevisse, unde delirii solutio.

DISSERTATIO SEXTA.

De Morbis Animi.



Ulli ignotum, a corpore affectum animam pati, neque minus innotuit expertis, ab animo morbo do corpus sæpius pessime mulctari. Is quippe inter utrumque nexus, ut mutuo vice in seinvicem agant & patiantur. Nexu hujus solutio, universam Philosophantium gregem, hætenus transversam egit, & etiamnum credo, in sæculum aget. Id verò parum Medicinæ interest, neque Medicum decet inter speculationes, ab Hominum sanitate & morbis averruncandis, prorsum abstracta tempus & otium terere. Sufficit, rem notam esse, parum licet animadversam. Quotum enim quisque Medicorum est, qui animi morbos vel per transfennam aspicit? Nulli plane, qui ex proposito respexit. Ego met hætenus computo factò, expertus reperi, morborum muliebrium duas ad minimum tertias, sexus virilis, unam saltem, a mentis primariò originem ducere. Interim quid ad hæc Medicina? Nempe id volunt Medici, totidemque verbis, ut Æger ab animi pathemate

tis caveat. Tanquam, si cuiquam, inter flammâs & verbera cruciato consilium darent, ne doleat. Remediis Pharmaceuticis obviam nituntur. Satiùs omnino cruciatus, à calculo & podagra, exquisitissimâ (a) Tullii dictione medicarent. An sannos, & dictéria arbitraris? Minime: Rerum naturam narro. Quid enim ad animam seplasiùm, ni saltem id velis, quidlibet ex quolibet fieri? Consilii ratio speciosior, quidem vix melior. Quemadmodum enim sensus læsi minus percipiunt, ita & animus Æger consilii impos est. Verum de his plura.

Dicendorum ratio hæc erit. Primo, Quodnam sit inter corpus & animam commercium. Secundo, a quibus animi affectibus fiant corporis morbi. Tertio, quid iis proderit pharmaceutice. Quarto, Quid, Musica, tum ingenii & corporis lusus. Quinto, Quid conferat ratio seu ratiocinium. Sexto, Quid amplius Religio. Demum, Medici officium proponitur, in Morbis Animi, & quodnam sit ex dictis Medicinæ commo-
lum.

Intimam Rerum naturam, seu quid sunt res ipsæ, non novimus: Rerum vero proprietates, ex eandem adjunctis, seu attributis, orunt Homines: proprietates re-

Quodnam
sit inter
Corpus &
Animam
commer-
cium?

rum unæ aliis, universæ primariæ cuipiam innituntur. Hinc patet, nullam rem propriatibus gaudere sibi mutuo contrariis; aliter non una res esset, sed plures. Prodato igitur habeo, nullam rem unam sibimet contrariam idque non ex ratiocinio Philosophico duxerat, quin inter prima cognita æstimo, quæ sui intuitu, assensum captant. At univæsum Hominum genus hæcenus conscium esse se motibus distrahi prorsum contrariis. Neque ab ævo exiit gens tam fera atque barbara, cui minima innotuere rationis indicia, belli hujus, præ omni alio intestinum nescia. Hoc supponunt leges, & Philosophia, universa denique societas civilis; neque quidpiam inter Homines tam unanimi assensu agnitum, quam quod cecinit Poëta

— *Video meliora proboque,*
Deteriora sequor —

Neque minus Religio, hominem undique sibi dissonum supponit, quin magis omnino quam nuda Rationis dictamina. Est igitur in Homine, quidpiam sentiens & percipiendum ab Anima rationali diversum, quod nempe Hominem a ratione aliorum trahit. Id autem Hominem cum Brutis commune habere, operosius ut probem, supervacaneum esset; Analoga quippe utriusque operatio

candeo

eandem utriusque demonstrat naturam. In sanguinis igitur, & liquidi nervei motu, (rei modum non definio) idem reponendum concludo. Qui minutias desiderat, (b) Willisium adeat. Ego harum incurius sum. Sufficit, quod ex dictis pateat, dari in Homine sensum animale. Eundem inter corporis membra & animam rationalem, intermedio fungi officio, omnino idoneum est. Verum, corpus existit, utcunque ratione exquisitâ climatum. Sed quâ ratione, Anima prorsus incorporea, in substantiam ejusmodi operetur, aut hæc sensus & perceptionis sit capax, Ego prorsus non intelligo. In Rerum Conditoris beneplacitum, hæc in solidum repono, intelligentiam sæculo futuro relinquo. Id saltem constat, corpus ab Animâ non affici, nisi mediante sanguinis, & liquidi nervei motu, cui inest sensus Animalis. Liquet igitur, Animi morbos, quatenus corpus afficiunt, sensui Animali inlærere: Quæ in Medicinâ mentis instituendâ, utriusque simul ratio est habenda. Neque enim quemadmodum in corpore, cum ab affecto ventriculo tentatur caput, & remotâ causâ tollitur effectus, quin inter res omnino dispares, mutua utrinque sternitur labes.

A quibus
Animi affe-
ctibus, fiant
corporis
morbi?

Nihil est, quod magis probat:
res sæculi nauci esse, & quod omnia sunt vanitas, quam cum Hominum Animus a duobus præcipue agitetur affectibus, gaudio & mœrore; gaudium fluxile sit & inconstans, & vix natum, confestim intereat; quin quo intensius Hominem afficit, cò minus durat, atque eundem magis effectum relinquit. (c) Unde non in unius cujuslibet objecti fruitione hæret; sed vagabundus ab uno desiderii objecto in aliud progreditur in infinitum. Mœror vero permanens est, altioresque agens radices, ad vitæ terminos sæpius durat. Quare neque ipse observavi, neque hætenus credo, innotuit, vel mortem, vel affectum quemvis corporis morbi, dum a gaudio ortum fuisset, ni saltem intensiori, circa idem objectum mœrori, subito successerit, cum spiritus pathemate contrario profundius depressi, simultaneam ab objecto inopinato non ferunt expansionem. Mœror vero, ut raro primo impetu jugulat, sæpius tamen longiores vitæ struit insidias, atque eandem vel morte graviorem aliquamdiu protractam, tandem & morti tradit, mortalium misertæ. Neque discriminis ratio prorsus ardua. Quippe liquidæ corporis, a gaudio nimium expansa, rentiã canalium elasticâ, brevi reprimuntur, quini

(c) Vide Hobbessii Leviathan.

quin quo major ex fluidorum expansione, canalium distensio, iidem fortiori nisu retro collabentes, quicquid fluidius, i. e. magis spirituosum, inibi existit, celeriori impetu extrorsum trudent, unde mœror a gaudio effuso sæpius profundior; qui tamen non longius durat, quod canales ultra pristinam dimensionem, non collabantur, & liquidorum penus novofomite, facilius restauratur. A mœrore vero altius depressa liquida, nullo intrinsecus elatere denuo expanduntur, unde pristinas vires recuperare possint, & quæ extus in auxilium usurpantur, non nisi superficie tenus malum lambunt, unde extimam duntaxat suscipit curam, brevi denuo evanidam, cum hæreat lateri lethalis arundo. Ex dictis igitur pateat, quosvis Animi morbos, quatenus & corpus morbo afficiunt, ex mœrore oriri, seu quod idem est, ex quopiam Animi pathemate ad mœrorem referendo.

In limine curæ se offert Pharmaceutice : Nempe ita inter Homines agitur, ut nihil prorsum sit Medicus, ni rem suam universam pharmacis agat. Quin & ipse Medicus, scientificè sibi agere videtur, si rem ad materiam & motum perduxerit : Interim de mali origine parum sollicitus, minime quærit. Suppono, Hominem ex graviore Animi mœrore, delirio aut

Quid iis
proderit
Pharmaceutice?

convulsionibus obnoxium, anxietate præcordiorum, atque aliis ejusmodi nervorum affectibus, continuò oppressum. An lætificans Galeni præscribis? sane verborum sonus, plus quam Medicina præstabit, & tu præstigiatores, non Medicum ages. Specificis rem aggredere. Experto crede: cephalica quælibet, stomachica, pectoralia, im ejusmodi rei statu, nauci aliquoties prædixi, & expertus sum. Rei naturam intueri, & tecum imaginare, quid sit in seplasis, & quonominis gaudeat, quod speciem mœroris deleat, altius Animo impressam, & ni deleatur, non tollitur morbus. Nolim equidem Medicamina volatilia nervina, prorsus abnueri in affectibus mali præsentaneis gravioribus tollendis. Inter quæ, præ omnibus infinitis modis, Opii virtutes præcellere vidi. Verum vini generosioris cyathum, Amici blandioris confabulationis conditum, primum æstimo animo mœsto pharmacum. Nempe & uvæ succus, fermentatione depuratus, præ alio quovis idoneam sanguini & penus nerveo labanti, conciliat refectio-

Conceptu, quàm explicatu magis obvii sunt, Musices effectus mirandi, & quos nulli ignorant, nisi quibus cerebrum est perversò dispositum, aut aures obtinent ab Arcadiæ pecuario mutuatas.

Quid Musica?

tuatas. Quæ minus dubia, & magis rei intersunt, sequentibus comprehendam. Primo, Aërem pulsatis instrumentis Musicis, diversimode vibratum, varias inire undulationis species, quæ auditus organo impressæ, eandem motus speciem liquido nerveo conciliant, unde Animus pro vario motus genere varie agitur. Secundo, Immediatum Musices effectum, esse spirituum erectionem, seu expansionem liquidi nervei; nempe undulationis impetu dimoventur liquidorum moleculæ, & mutuos sæpius mutant contactus: Unde quidquid fluidius est, liberiori & celeriori impetu, reliquam pervadit liquidi compagem. His congruit Baglivii Observatio, de Animalibus a Tarantula demorsis, quorum nempe sanguis confestim grumescit, unde ratio petenda curæ a Choreis Musicis præstitæ. Quippe quod liquidum nerveum, undulatione Musica, imprimis expansum, una & sanguinis compagem expandendo, a concretionem liberat, quare & sudore oborto & morbi & remedii paroxysmus terminatur. Tertio, Pro variâ liquidi nervei diathesi, variam placere aut displicere Musicam; Nempe quo facilius aut difficilius, liquida suscipiunt. Atque ineunt motus Musices undulatorios, eò aptiora existunt aut ineptiora, ad concentus gradus celeri aut tardo modo progredientes: Unde & Tarantulâ icti, sæpius

ad unam, alteram, & tertiam modulaminis speciem minime moventur, quartâ vero Ægri & morbi genio congruâ, confestim ad tripudias ineundas eriguntur. Quarto, Primos modulaminis Musicæ appulsus, graviores esse, & molestias creare, iis præcipue, quibus torpet nervorum liquidum, & depressuntur spiritus, idque præsertim, cum ea sit Musices species, quæ celeriori ruit concentus impetu; nempe quod spiritus oppressi, ab undulationis impetu fortiori, insolitos subeant motus, unde nervorum villis, a situ distortis, fit dolor seu Animi gravamen: Quare & universi fere Tarantati a suspiriis, & id genus Animi gravati indicibus, tripudias adornant. Hinc patet Quinto, Musicam magis delectare, cæteris paribus, quæ tardiore incedit concentus gradu; saltem quæ a submissioribus initiis, sensim elevatur & sublimior fit, quippe qui magis Musicâ delectantur, Animo & spiritibus fessi sunt. Tales vero uno impetu citra dolorem se non patiuntur erigi. Hinc Musica tragædiis imprimis gaudet, & Artis culmen, quod (Opera) dicunt, non nisi tragico peragitur apparatu. Eâdem delectantur res sacræ: Quin ad armorum strepitum, elatis supra formidinem Animis, symphoniâ tragicâ Homines accenduntur. Ex dictis suppte elucescit, Ratio operationis Musicæ, in pathematis Animi mœstis

mœstis sublevandis; ea quidem non indiscriminatim quævis, sed quæ magis idoneo modo spiritus ferit. Neque si inter prima Musices exordia Animus fiat irrequietior, ideo minus convenire concludendum; cum & Tarantati, qui Musicâ curantur, suspiriis & gemitu tripudias adornent. Eâdem ratione melancholicos, inter prima Musices initia, aliquoties mœstiores vidi, protracto tamen aliquamdiu concentu, hilares, & mali sui oblitos factos. Neque dubium habeo, plures corporis morbos, cum spirituum seu sensus animalis ataxiâ complicatos, Musicâ præ quavis aliâ Medicinâ curabiles esse; modo in id sedulò incumberent Medici, atque occasio suppeteret, ut modulamine congruo morbos adorirentur.

Musicæ succedunt Ingenii, Tum Ingenii & Corporis lusus.
& Corporis lusus. Hic triplici, alter duplici modo, affectibus

Animi mœstis subvenit. Nempe ludicro quolibet, ingenio, oblato, Primo, vegetius undulatur liquidum nerveum, & eriguntur spiritus. Secundo, species mœrori contrariæ cerebro imprimuntur, non quidem spirituum aliorum derivatione, sed quod ab expanso nervorum liquido, principia nervorum sensui Animalis destinata, species rerum suscipiant vividas & blandas, unde datis naturæ induciis, contra insequentes mœroris impulsus,

fus, vires sensim acquirit majores. Idem præstant Corporis lusus, præterea & exercitio universi Corporis canales, validius conquisiti, celeriori impetu, fluida antrosum propellunt. Nervorum liquidum torpescentem erigunt; quidquid tandem minus congruum, vel in solidis hæret, vel inter fluida natat; e corpore rejiciunt, unde quorum Corpora, crudis magis scatent & indigestis, iis magis cæteris paribus convenit exercitium, & e contra.

De Remediis hæctenus dictis, duo restant indicanda. Primo, Parum aut nihil affici animum, a motibus corpori impressis, ni adjuncta sit voluptatis seu lætitiæ species, quemadmodum in symposiis Musico concentu, ingenii demum & corporis lusbis. Secundo, Illud imprimis cavendum, ne nimia sint: quemadmodum enim alvus pigrior Medicamento fortius purgante, pessime curatur; quippe quod intestinorum villi suapte debiles, a pharmaco ulterius plusquam nimis debilitantur, & pejus fit ex remedio malum: Ita & quæcunque Animos erigunt, si nimia sint, vel ultra modum protrahantur, liquida, præ debilitate ulteriorem expansionem, minus sustinentia, debilia relinquunt. Uude videre est, mœstos a nimio Baccho, aut convictu quopiam lauto diutius protracto, de-

teriori

teriori insequuturo ex postliminio, paroxysmo, viam iterare.

Ut innotescat clarius, quid possint ratiocinia in animo medendo, quædam de rationis viribus præmittenda. Primo, Hominem ita conformatum, ut species rerum, quas ab origine suscipit Animus, altius imprimantur & diutius persistant. Hinc pueritiæ consuetudines rarius deferunt Homines: Hinc etiam a lenurum phantasia, nolente quantumvis ratione, immensum pavescit maxima pars Hominum. Phantasmata hæc & prorsum figmenta, faciles quidem agnoscunt, quas utique pravæ inter nutrices & mulierculas educationi debent; dum Infantes moriosiores & irrequietos, terriculamentis ejusmodi placidiores reddere conantur: Præjudicio, tamen nolint velint, aguntur. Et si vera aliquoties sint, nullo tamen rationis innouit indicio, Homines a spiritibus ita debere pavescere, cum & spiritus ipsi simus, & inter spiritus in æternum degere, Hominibus paratum sit. Quin, & qui doctrinâ Christianâ imbuuntur, pro concessio fere habent, non nisi a Cacodæmone, Hominem ad pravas concitari cupidines. Tamen dum inter ejusmodi pathemata versantur, a Dæmone nulli verentur; quippe neque ulla consuetudine

Quid conferat ratio seu ratiocinium?

tudine, terroris species cum ejusmodi affectibus conjungitur, & quam utrinque naturam dicunt, mera existit consuetudo. Secundo, Hinc patet, quæ virtutes & vitia vulgò dicuntur, sæpius rationi minus, quam corporis & phantasiæ diathesi deberi; imo tam debilis sæpius existit ratio, ut ad varia objecta contrario prorsus modo ruat Animus. Hujus exemplum prostat in (d) Birone, clarissimo sub Henrico quarto Rege, Franciæ Marefcallo, quo non alius extitit magis strenuus, audax & intrepidus Belli dux, dum gloriæ cupidine cœcutiens mortem minus prospiciebat. Ast quam primum pallida mors, moram renuens ad januam pulsabat, præ pavore prorsus fere demens occubuit. Tertio, Artem dicendi seu oratoriam, bellas quidem offerre animo ideas, species verò rerum naturæ seu sensui animali infitas, minus afficere. Nihil hæctenus inter Homines excogitatum, Tullii de virtutibus & vitiis eloquentiæ æquiparabile: Neque magis doctus habetur, ex Academicis, de natura Deorum, & de divinatione operibus, quam quidem probus, ex discursibus de Finibus, de Officiis, & præferum in Tusculanis, quæ elaboravit, quæstionibus. Verum ut

ta-

(d) Mezerie, vie de Henrie quatrieme.

raceam, quæ Ciceroni sive vera sive falsa objecit (e) Salustius; constat saltem, (f) Hominem & vanum fuisse & venalem, & quidquid tandem de fortitudine Animi prædicat, omnium mortalium & in vita, & in morte pavidissimum: Nempe, Eloquentiam Arti, vitæ modum naturæ debuit. Quare Quarto, qui magis in virtutis exercitio excelebant, ad dicendum minus proni extitere, & quæ de iis prostant, naturam magis quam artem sapiunt: quò referenda sunt, quæ de Socratis instituto retulit (g) Xenophon. Quin & ante Artem oratoriam vel Romæ, vel Athenis inventam, fortissimi utriusque extitere Heroës. Themistocli satius visum est veneno occumbere, quam vel Patriæ ingratae Arma inferre, vel fidem frangere Patriæ Hosti datam. (h) Decii pro legionibus se devovebant, & Diis, seu suis seu alienis se Hostiam immolabant, ut Patriis Armis minus infensi suorum annuerent victoriæ. (i) Attilius Regulus a Pœnis in Patriam remissus, ut de pacis conditionibus ineundis concilium daret, du-

(e) Oratione in Ciceronem.

(f) Plutarchus in vita Ciceronis.

(g) Ἀπομνημόνευματα.

(h) Plutarh. in vita Themistoclis.

(i) Livius decade primo.

(k) Idem in *Primo Bello punico*.

duriori denuo captivitati, & morti sævissimæ se subicere maluit, quam ut de pace ingloriâ, Romani cum hostibus concilium inirent. Quorsum hæc omnia dicis? nempe ut innotescat, non bellas rationis ideas, neque feracem dicendi genium, illud esse, unde in vitæ affectibus ducitur genus humanum. Quare, & cuivis in Hominum institutis versato, indies observare licet, quo magis dicaces existunt Homines, eo minus res funditus percipere, & taciturnos in Religione, in Artibus etiam, & rebus civilibus, verius eruditos.

Ex dictis facili operâ patebit, quid possit Ratio in Animi morbis. Ejus nempe dictamina, maturius naturæ impressa, morbos Animi præcavere quidem; at jam constitutos, minus afficere ratiocinia Arte tradita. Suppono Hominem, a primis educationis exordis, & dum sensus Animalis, Tabula rasa, ad quasvis rerum imagines recipiendas omnino indifferens est, ratione imbui; ejusque præcepta, in succum & sanguinem recepta, ad provectiorem ætatem, nutriri & augescere. Dico Talem, morbis Animi minus obnoxium, & si impetu fortuito ingruant, facilius curari. Nempe, morbi Animi non fiunt nisi a perverso rerum conceptu: natura vero conceptu contrario munita, de statu haud

haud facile deturbatur; & si conentitur, facilius restituitur, & statum recuperat pristinum. Hujusmodi fuere Heroës prisci, quibus inter primos Rerum conceptus, illud imprimis fuit familiare. *Dulce & decorum esse, pro Patria mori.* Verùm, suppono Hominem (quæ & maxima pars Hominum est) inter cupidines pravas, a ratione alienas, nutritum & educatum, quibus prorsum imbutus, isdem omnino gaudeat & feratur: Huic gravamine Animi oppressio, Ratio minus opitulabitur, cujus utique suppetias nimis è longinquo petit. Unde Tullio, naturâ, seu a perverso rerum conceptu formiduloso, nihili fuere propria de Animi fortitudine ratiocinia. In hujusmodi rerum statu, fatius arbitror, ut ratio quiescat, atque id unum secum ratiocinetur Miser, ut de Miseriis suis neutiquam cogitet. Quemadmodum enim Avis inter aucupis insidias correpta, quo sedulius volitat fugam meditans, eò magis irretitur; sive quivis plaga afflicta, sedulioze vulneris contrectatione, idem pejus irritat, & ad putredinem proximius disponit: Ita & animus Æger anxia sollicitudine, de malo suo meditabundus, neutiquam sibi opitulatur, quin sæpius ut altiores agat morbus radices, præposterâ sui curâ, ipse sibi causa exitit. Ast abstra-

Etâ a malis Animi cogitatione, induciæ naturæ conceduntur, unde se sensim recuperet. Id tamen sæpius minùs potis est ratio quæ vix minùs de Animi malis cogitatur quam corporis affectus percipiunt sensus. Quare quid supremo loco conferat Religio supremo loco prospiciendum.

Quidam-
plius Reli-
gio?

Tam pravum hodie de Religione extat Hominum Judicium nempe & tam perverso modo a interpretibus, sæpius institutum ut nihil magis vereatur maxima pars Hominum; tanquam si Religio abjectos inderet animos a gaudio & nobilioribus affectibus alienos. Verum hi, quid sit Religio, minus callent, quæ non in rixis, neque superstititione credulâ, quemadmodum inter Homines fit; sed in animo consistit rite animam naturam disposito. Hujus qui persuasus est is facilis secum reputabit, veram Religionem, seu animam Deo devotam supremam & summam, omnium malorum existentium medelam. Homo, gravius quodvis malum perpeßus, animo mœstus est, & corpore morbidus, neque Medicinam suppeditat natura. Quid facies Miser? Infortunium existimas, & casu omnia mortalibus accideret? An requietior inde fiet animus, aut corpus magis sanum? Quin potius, gravius indur-

ma

malum, quod Casus iniquior Tibi præ reliquis fiat, & Fortuna cœcutiens, in te unum forte, inter alios millenos inciderit, ut damno tuo ludat. Fatum arbitraris? Senecam adeas, Stoicorum te imbuas doctrinâ, sapientis ideam experire. Ast mendax hæc plane est, Zenonis figmentis insititia, neque naturæ cognita, neque inter Homines comperta. Ecqua enim consolatio, durius fatum miserecordiæ expers, in misellam Hominis vitam, nullo boni aut mali discrimine sævire? Amicos adeas, ut de malis tuis lugeant, & ex Familiarium commiseratione, de miseriis tuis te consoleris. Verum ejusmodi solatium, minus naturæ congruum, evanidum etiam & fluxile est. Neque Amici de dolore tuo revera participant: Et paucum omnino est, & pondere & duratione, quod inde levaminis percipis. Ast cedo, Hominem, intimè persuasum, universi opificem mundum sapienter gubernare; Rerum eventus prosperos aut lecus non ad Hominis arbitrium, sed pro divino consequi beneplacito; Quidquid Boni aut mali Hominibus contingit, summo Hominum bono ex Dei proposito destinari; plagam quam patitur omnem, sive intus sive extra, ob delicta fieri, seu ut intimius tenuitatis suæ conticius, intimius etiam se Deo voveat & subjiciat. Is serio se-

K 2

cum

cum reputabit, quidquid patitur, Cœlitum oriundum, cujus commodum licet confestim non percipiat cœcutiens, idem tamen a numine, consilio non fortuito agente perspicitur. Quare & res suas sibi optimas, a sapientia utique, & bonitatis fonte oriundas. Hinc abjectâ sollicitudine anxîâ & perplexâ, se quietum tenebit, & Numinis ordini animi subiectum: Quin & gaudio dilatabitur Animus, spe plagæ amovendæ, sin minus certioris saltem, postliminii jure, patientiæ præmii. Ab hujusmodi Rerum conceptu fulcitur Hominis animus, & meliorum spe se erigit: unde liquida Corporis depressa dudum, & moribunda, novâ instaurantur vitâ.

Vir ingenuus, & eruditus, ex improspecto rei successu sollicitus, brevi de Anima ferre desperabundus evasit; appetitus prostratus, corpus languidius, nox irrequies. Satanæ tentationem, aut genium suum scrupulis obnoxium suspicatus, diverticulis animum in mœrore avocare frustra conatus est. Tandem Rem mihi fassus, ut Religionem adiret superpetias ratione expositâ quæsitum, consilium dedi. Confestim renascebatur mens sana in Corpore sano, & cum aliquoties leviores mali recidivas passus esset, eodem denuo instituto prorsum convaluit.

Ex dictis patet, id imprimis officii Medici esse, ut omni operâ, ægrorum affectibus, animi mœstis, obviam ear. Felicissimus sæpe est Medicus, non qui Medicinam pharmaceutiam aut corporis mechanismum, melius callet, sed qui Ægrorum animos optime disponit, & parum deest Medico cum sui opinionem, & morbi contemptum Ægro conciliare habilis est: Unde Medico faceto, & hilari, delectantur Homines; minime quod ex dictis levamen sentiant corporis aut animi malorum: Verum id secum reputat Æger, hilarem Medicum, de morbi eventu minus vereri, unde & ipse parum veritus, & animo erectior, optimus sibi providet Medicus: cum qui animo mœstus, & solícite cogitabundus, præ Ægro se gerit, Miselli animum suspitione sui perfundit; unde Ipsi accidit idem, quod ex loco præcipiti despicienti, dum casum veretur, præ timore procidit.

Juvenis, a casu in amne, propemodum submersus, in febrem incidit pleuritici generis, animus etiam præ pavoris specie, subinde delirio ferebatur. Post aliquot dies convalescenti, ut Hominem domi detineret, Pharmacopœus manu carpo admotâ, incautius protulit, ipsum intensius abhuc febricitare.

Confestim Homo, & sui nescius, & Medicinam nunquam ante expertus, lectum repetebat, febre intensiore, dolore lateris, & mœstitiâ Animi profundâ delirium minante correptus est. Re auditâ ad Ægrum accedo. Rem gestam mihi retulit, se demum blanditiis meis deceptum, de mortis & animæ salute parum prospexisse, ut Deco & Evangelii ministro se traderem suadebatur. Ad hæc ego : Pharmacopœi. Judicium, acerrimis verbis, consultò perstringo. Neque Homini neque Arti datum, ut de morbis judicium ferat; Nempe ut Ægrum immorbi contemptum, & mei opinionem suadendo, eidem denuo animos inderem; & ut fidem facerem certioreman instanter curandum, audacter promissi, neque fefellit eventus, quippe Opii grano circiter, exhibito, a placidiore somno, prorsum convaluit, de salute omnino attonitus.

Verum hujusmodi rei gerendæ methodus prudenter est instituenda, ut & verum Medicum, & virum probum se gerat Medicus. Agyrtis quippe, & Artis nebulonibus pronum est, faceris & volupe vultu ludere, dum Ægrum quibuslibet, vitæ aut necis pariter nesci, indiscriminatim, aut vultu aut verbis vitam promittunt. At hujusmodi Homines, piaculum

culum & nefas, coram Deo & Hominibus sæpius exercent. Quidquid sit de ferotinâ pœnitentiâ, id norit numen : Homini saltem nefas est præposterâ vitæ sponfione, atque ultra, quam res fert, ægrum a rebus, aut sacris aut domesticis collocandis detinere.

Viro Quadragenario, jocis deditissimo, ut cogitationis mœstæ omnino incapax videretur, postquam diem unum aut alterum, præcordiorum anxietate, & pectoris angustîâ anhelosâ laboraverat, accedens & aliquamdiu intuitus, ex oculorum vultu lurido & collapsio, spasmodicam affectionem ratus, *Ægro* respondebam. Tu quidem, in facetiis totus es : Verum animi mœrore gravissimo laboras, & ob animo duntaxat laborat corpus. Quibus ille : Unde hæc nosti ? Ex temetipso, & morbi indole regerebam. Confestim, de re improvisâ, & quam nemini indicarat attonitus, altiore ducto suspirio rem fassus est, & medelæ rationem quærebat. Ut a mœroris causâ mentem omnino abstraheret, suadebam, & si minus succurreret ratio, amicorum consuetudine, pro diverticulo uteretur : Ni sibi quam primum, ratione dictâ, aut ex Religionis dictamine caveat, brevi de vitâ periclitaturum.

rum; neque hili fore remedia pharmaceutica, quamdiu mali fomes in præcordiis hæreret. Justis annuenti, remedia quædam nervina volatilia, præscripsi, & ut morem suæ, & amicorum indoli gererem, pectoralia etiam, quæ licet nullius usus, tamen innocua sciebam. Verum, Homo vindictæ deditus, injuriis, quas se passum esse prædicabat, continuo & indefinenter memoriam refricabat, ut labes indies magis serperet; neque officiis neque ratione obviam ire potis fui: unde ex vultu saltem pejorum suspensionem innuebam, & amicis de re licet parum cogitantibus, (ut Ægrum, quâ par esset ratione, de rebus suis monerent) mortem brevi insequenturam prædicebam. Post dierum unam & alteram circiter hebdomadam fatis cessit.

Quare dum inter Ægros versatur Medicus, de animi statu caveat; labes quippe sæpius hæret, ubi minus suspicatur inexpertus. Egomet, vix morbi curam suscipio, ni pateat causa, in sexu præcipue sequiori, priusquam de animi affectibus, certior fiam, unde de morbi cura & eventu proximius innotescant indicia.

Commoda præcipua, quæ deinceps morborum animi considerationem consequun-

quantur, ut fert tentaminis indoles, paucis proponam.

Primo, Corporis ab animo affecti, signa diagnostica in nervis existunt & nervorum affectibus, unde a morbis animi intimius notis haud exiguum nanciscitur Medicina emolumentum: Quippe cum plurimi corporis iique graviores morbi, nervos imprimis afficiunt, ex simili utrorum phasi, de nervorum in genere affectibus pronuntiabit Medicus: Neque mihi criterion suppetebat, unde Judicium ferrem de morbi genio, & eventu quoad sedulior morborum animi consideratio, nervorum affectus, cogitationi magis reddiderat familiares.

Secundo, Medela mentis, a Medicis omnino fere neglecta, unam ex primariis arbitror causam, infidæ Medicinæ. Præterquam enim, quod morbi corporis ab animo oriundi plures existunt, quàm quod sæpius arbitrantur, quibus curam minime suppetat hodierna medendi ratio, quare & alia ejus loco esset indaganda. Præcipuum tamen est, quod peritia Medica, minus fere versatur in morborum cura; Quippe plures morbi naturâ incurabiles sunt, cætero-

K 5

rum

rum aliquoties , ut ait Celsus, quos ratio non curat, hos temeritas curat. Verum in eo potius, peritum se perhibet Medicus, quod sibi & aliis, de morbis rite Indicium ferat, unde innotescat, quæ conveniunt, quæ minus, quæ vero nocua sunt, & quid demum de morbo futurum sit, alias ignoto morbi genio, & si semel faller, labore importuno Ægrum decipiet. Huc accedit, non ex gravioribus sæpius fieri, corporis ab animo affecto symptomata, quin præcordiorum gravamine, appetitu prostrato, & cæteris hujusmodi, læviuſculis ventriculi affectibus comprehendi; & in sexu sequiori, vomitu, mensibus perperam ordinatis, & subinde sistentibus, quibus nullus est Medicaster, qui se imparem imaginatur. Verum, res perperam succedit, uterque fallitur, in Ægri perniciem, Medici infamiam, & Artis scandalum, eò gravius, quod sæpius inter divites & honestiore loco natos, hujusmodi succedant improspera. Plures enim divites, quam Egeni, sapientes, quam stulti, animo laborant: Hebionibus enim & fatuis, præ vitæ necessariis, & mente ærumnarum nesciâ, rarius incidunt in animi ægritudines. Quare si morbus ab animo oriatur, ni caveat Medicus, ex ignoto morbi

morbi genio., in generis humani dam-
num, & fallunt remedia & fallit even-
tus.

F I N I S.





